



C40-4514



B 64853

佛所行讚經卷第一

菩薩撰

馬鳴譯

北涼天竺三藏曇無識譯

生品第一

甘蔗之苗襄釋迦無勝王淨財德純備
名故曰淨飯羣生樂瞻仰猶如初生月
王如天帝釋夫人猶含脂執志安如地
心淨若蓮華假譬名摩耶其實無倫比
於彼像天后降神而處胎母悉離憂患
不生幻偽心厭惡誼譁俗樂處空閑林

藍毘尼勝園 流泉華果茂

寂靜樂禪思

啓王請遊彼 王知其志願

而生奇特想

勅內外眷屬 俱詣彼園林

爾時摩耶后

自知產時至 僮寢安勝牀

百千嬌女侍

於四月八日 時和氣調適

齊戒修淨德

菩薩右脇生 大悲救世間

不令母苦惱

優留王股生 甲偷王手生

曼陀王頂生

伽叉王腋生 菩薩亦如是

誕從右脇生

漸漸從胎出 光明普照耀

如從虛空墮

不由於生門 修德無量劫

自知生不亂

安諦不傾動 明顯妙端嚴 晃然從胎現

猶如日初昇 觀察極明耀 而不害眼根

縱視而不耀 如觀空中月 自身光照耀

如日奪燈明 菩薩真金身 普照亦如是

正直心不亂 安詳行七步 足下安平趾

炳徹猶七星 獵王師子步 觀察於四方

通達真實義 堪能如是說 此生爲佛生

則爲後邊生 我唯此一生 當度於一切

應時虛空中 淨水雙流下 一溫一清涼

灌頂令身樂 安處寶宮殿 臥於琉璃牀

天王金華手 捧持牀四足 諸天於空中
執持寶蓋侍 承威神讚歎 勸發成佛道
諸龍王歡喜 渴仰殊勝法 會奉過去佛
今得值菩薩 散曼陀羅華 專心樂供養
如來出興世 淨居天歡喜 已除愛欲歡
爲法而欣悅 衆生沒苦海 令得解脫故
須彌寶山王 堅持此大地 菩薩出興世
功德風所飄 普皆大震動 如風鼓浪舟
栴檀細末香 衆寶蓮華藏 風吹騰空流
續紛而亂墜 天衣從空下 觸身生妙樂

日月如常度 光耀倍增明 世界諸火光
無薪自燄熾 淨水清涼井 前後自然生
中宮妓女衆 怪歎未曾有 競赴而飲浴
皆起安樂想 無量部多天 樂法悉雲集
於藍毘尼園 遍滿林樹間 奇特眾妙華
非時而敷榮 呪暴衆生類 一時生慈心
世間諸疾病 不療自然除 亂鳴諸禽獸
寂然而無聲 萬川皆停流 濁水悉澄清
空中無雲翳 天鼓自然鳴 一切諸世間
悉得安隱樂 猶如荒難國 忽得賢明主

菩薩所以生爲濟世衆苦 唯彼魔天王
獨憂而不悅 父王見生子 奇特未曾有
素性雖安重 驚駭改常容 自慮交心脅
一喜復一懼 夫人見其子 不由常道生
女人性怯弱 忏惕懷冰炭 不別吉凶相
反更生憂怖 長宿諸母人 互亂祈神明
各請常所事 願令太子安 時彼林中有
知相婆羅門 威儀具多聞 才辯高名稱
見相心歡喜 蹤躍未會有 知王心驚怖
白王以真實 人生於世間 唯求殊勝子
王今如滿月 應生太歡喜 今生奇特子
必光顯宗族 安心自欣慶 莫生餘疑慮
靈祥集家國 從今轉興盛 所生殊勝子
必爲世間救 惟此上士身 金色妙光明
如是殊勝相 必成等正覺 若令樂世間
必作轉輪王 普爲大地主 勇猛正法治
王領四天下 統御一切王 猶如世光明
日光爲最勝 若處於山林 專心求解脫
成就實智慧 普照於世間 譬若須彌山
諸山中之王 衆寶金爲最 衆流海爲最

諸星月爲最 諸明日爲最 如來處世間
兩足中爲尊 淨目修且廣 上下瞬長睫
瞪矚紺青色 猶如半月形 此相云何非
平等殊勝因 時王告二生 若如汝所說
如此奇特相 以是因緣故 不應於先王
乃現於我世 婆羅門白王 不應如是說
多聞與智慧 名稱及事業 如是四事者
不應顧先後 物性之所生 各從因緣起
今當說諸譬 王今且諦聽 畏求央老羅
此二仙人族 經歷久遠世 各生殊勝子

毘利訶鉢低 及與儻迦羅 能造帝王論
不從先族來 薩羅薩仙人 經論久斷絕
而生婆羅婆 繢復明經論 現在知見生
不必由先緒 毘耶婆仙人 多造諸經論
未後胤跋彌 廣集偈章句 阿低利仙人
不解醫方論 後生阿低離 善能治百病
二生駒尸仙 不閉外道論 後伽提那王
悉解外道法 甘蔗王始族 不能制海潮
至娑伽羅王 生育千王子 能制大海潮
使不越常限 閻那駒仙人 無師得禪道

凡得名稱者 皆生於自力 或先勝後劣
或先劣後勝 帝王諸神仙 不必承本族
是故諸世間 不應顧先後 大王今如是
應生歡喜心 以心歡喜故 永離於疑惑
王聞仙人說 歡喜增供養 我今生勝子
當紹轉輪位 我年已朽邁 出家修梵行
無令聖王子 捨世遊山林 時近處園中
有苦行仙人 名曰阿私陀 善解於相法
來詣王宮門 王謂梵天應 苦行樂正法
此二相俱現 梵行相具足 時王大歡喜

卽請入宮內 恭敬設供養 將入內宮中
唯樂見王子 雖有殊女衆 如在空閑林
安處正法座 加敬尊奉事 如安低牒王
奉事波尸吒 時王白仙人 我今得大利
勞屈大仙人 辱來攝受我 諸有所應爲
唯願垂教勅 如是勸請已 仙人大歡喜
善哉常勝王 衆德悉皆備 愛樂來求者
惠施崇正法 仁智殊勝族 謙恭善隨順
宿植衆妙因 勝果見於今 汝當聽我說
今者之因緣 我從日道來 聞空中天說

言王生太子 當成正覺道 幷見先瑞相
今故來到此 欲觀釋迦王 建立正法幢
王聞仙人說 決定離疑網 命持太子出
以示於仙人 仙人觀太子 足下千輻輪
手足網縵指 眉間白毫峙 馬藏隱密相
容色燄光明 見生未曾相 流淚長歎息
王見仙人泣 念子心戰慄 氣結盈心眉
驚悸不自安 不覺從座起 稽首仙人足
而白仙人言 此子生奇特 容貌極端嚴
天人殆不異 當爲人中上 何故生憂悲

將非短壽子 生我憂悲乎 久渴得甘露
而復反棄乎 將非失財寶 喪家亡國乎
若有勝子存 國嗣有所寄 我灰時心悅
安樂生他世 猶如人兩目 一眠而一覺
莫如秋霜華 雖敷而無實 人於親族中
愛深無過子 宜時爲記說 令我得蘇息
仙人知父王 心懷大憂懼 卽告言大王
王今勿恐怖 前已語大王 慎勿自生疑
今相猶如前 不應懷異想 自惟我年暮
不及故悲泣 今我臨終時 此子應世王

爲盡生故生 斯人難得遇 當捨聖王位
不著五欲境 精勤修苦行 開覺得真實
常爲諸羣生 減除癡冥障 於世永熾燃
智慧日光明 衆生沒苦海 衆病爲聚沫
衰老爲巨浪 氵爲海洪濤 乘輕智慧舟
度此衆流難 智慧泝流水 淨戒爲傍岸
三昧清涼池 正受衆奇鳥 如此甚深廣
正法之大河 渴愛諸羣生 飲之以蘇息
深著五欲境 衆苦所驅迫 迷生水曠野
莫知所歸趣 菩薩出世間 為通解脫道

世間貪欲火 境界薪熾然 興發大悲雲
法雨雨令滅 癡闇門重扉 貪欲爲關鑰
閉塞諸羣生 出要解脫門 金剛智慧鑄
拔恩愛逆毛 愚癡網自纏 窮苦無所依
法王出世間 能解衆生縛 王莫以此子
自生憂悲患 當憂彼衆生 著欲違正法
我今老死壞 遠離聖功德 雖得諸禪定
而不獲其利 於此菩薩所 竟不聞正法
身壞命終後 必生三難天 王及諸眷屬
聞彼仙人說 知其自憂歎 恐怖悉已除

生此奇特子 我心得大安 出家捨世榮
修習仙人道 不紹國嗣位 復令我不悅
爾時彼仙人 向王真實說 必如王所慮
當成正覺道 於王眷屬中 安慰衆心已
自以已神力 騰空而遠逝 爾時白淨王
見子奇特相 又聞阿私陀 決定真實說
於子心敬重 倍護兼常念 大赦於天下
牢獄悉解脫 世人生子法 隨宜取捨事
依諸經方論 一切悉皆爲 生子滿十日
安隱心已泰 普祠諸天神 廣施於有道

沙門婆羅門 呪願祈告福 親族諸羣臣
及國中貧乏 村城妓女衆 牛馬象錢財
各隨彼所須 一切皆給與 卜擇選良時
遷子還本宮 二飯白淨牙 七寶莊嚴與
雜色諸瓊珞 明艷極光澤 妾女衆隨侍
周市禮天神 然後昇寶輿 犬夫抱太子
王與諸臣民 一切俱導從 猶如天帝釋
諸天衆圍繞 如摩醯首羅 忽生六面子
設種種衆具 供給及請福 今王生太子
設衆具亦然 毘沙門天王 生那羅鳩婆

一切諸天衆 皆悉大歡喜 王今生太子
迦毘羅衛國 一切諸人民 歡喜亦如是
處宮品第二

時白淨王家

以生聖子故

親族名子弟

羣臣悉忠良

象馬寶車輿

國財七寶器

日日轉增勝

隨應而集生

無量諸伏藏

自然從地出

清淨雪山中

兇狂羣白象

不呼自然至

不御自調伏

種種雜色馬

形體極端嚴

朱髦纖長尾

超騰駿若飛

朝野之所生

應時自然至

純色調善牛

肥壯形端正

平步淳香乳

應時悉雲集

怨憎者心平

中平益淳厚

素篤者親密

亂逆悉消除

微風隨時雨

雷霆不震裂

種植不待時

收實倍豐熟

五穀鮮香美

輕軟易消化

諸有懷孕者

身安體和適

除受四聖種

諸餘世間人

資生各自如

無有他求想

亦無恚害心

一切諸士女

玄同劫初人

天廟諸寺舍

園林井泉池

皆如天上物

應時自然生

無有饑餓者

刀兵疾疫息

國中諸人民

親族相愛敬 法愛相娛樂 不生染汙欲
以義求財物 無有貪利心 爲法行惠施
無求反報想 修習四梵行 減除恚害心
過去摩訶王 生日光太子 舉國蒙吉祥
衆惡一時息 今王生太子 其德亦復爾
衆德義備故 名悉達羅他 時摩耶夫人
見其所生子 端正如天童 衆美悉備足
過喜不自勝 命終生天上 大愛瞿曇彌
見太子天童 德貌世奇特 既生母命終
愛育如其子 子敬亦如母 猶日月火光

從微照漸廣 太子長日新 德貌亦復爾
無價栴檀香 閻浮檀名寶 護身神仙藥
瓔珞莊嚴身 附庸諸隣國 聞王生太子
奉獻諸珍異 牛羊鹿馬車 寶器莊嚴具
助悅太子心 雖有諸嚴飾 嬰童玩好物
太子性安重 形少而心宿 心棲高勝境
不染於榮華 修學諸術藝 一聞超師匠
父王見聰達 深慮踰世表 廣訪名豪族
風教禮義門 容姿端正女 名耶輸陀羅
應娉太子妃 誘導留其心 太子志高遠

德盛貌清明 猶梵天長子 舍那鳩摩羅
賢妃美容貌 窃窕淑妙姿 瓔艷若天后
同處日夜歡 爲立清淨宮 宏麗極莊嚴
高峙在虛空 猶如秋白雲 溫涼四時適
隨時擇善居 妓女衆圍繞 奏合天樂音
勿憐穢聲色 令生厭世想 如天撻撻婆
自然寶宮殿 樂女奏天音 音樂亦如是
菩薩處高宮 父王爲太子 靜居修純德
靜居修純德 仁慈正法化 親賢遠惡友
心不染恩愛 於欲起毒想 攝情檢諸根
滅除輕躁意 和顏善聽說 慈教厭衆心
宣化諸外道 斷諸謀逆術 教學濟世方
萬民得安樂 如今我子安 萬民亦如是
事火奉諸神 叉手飲月光 恒水沐浴身
法水澡其心 祈福非存已 唯子及萬民
愛語非無義 義言非不愛 愛言非不實
實言非不愛 以有慚愧故 不能如實說
於愛不愛事 不依貪恚想 志存於寂嘿
平心止諍訟 不以祠天會 勝於斷事福
見多求衆生 豐施過其望 心無戰爭想

以德降怨敵 調一而護七 離七防制五
得三覺了三 知二捨於二 求情得其罪
應歎垂仁恕 不加麤惡言
矜施以財物 指授資生路 受學神仙道
滅除怨恚心 名德普流聞 世累永消亡
主匠修明德 率土皆承習 如人心安靜
四體諸根從 時白淨太子 賢妃耶輸陀
年並漸長大 孕生羅睺羅 白淨王自念
太子已生子 遺嗣相紹續 正化無終極
太子旣生子 愛子與我同 不復慮出家

但當力修善 我今心太安 無異生天樂
猶若劫初時 仙王所住道 受行清淨業
祠祀不害生 煦然修勝業 王勝梵行勝
宗族財寶勝 勇健技藝勝 明顯照世間
如日千光耀 所以爲人王 正爲顯其子
顯子爲宗族 榮族以名聞 名高得生天
生天樂爲已 已樂智慧增 悟道弘正法
先勝多聞所 受行衆妙道 唯願令太子
愛子不捨家 一切諸國王 生子年尚小
不令王國土 慮其心放逸 縱情著世樂

不能紹王種 今王生太子 隨心恣五欲
唯願樂世榮 不欲令學道 過去菩薩王
其道雖深固 要習世榮樂 生子繼宗嗣
然後入山林 修行寂嘿道

獸患品第三

外有諸園林 流泉清涼池 衆雜華果樹
行列垂玄蔭 異類諸奇鳥 奮飛戲其中
水陸四種華 酣色流妙香 妖女因奏樂
弦歌告太子 太子聞音樂 歡美彼園林
內懷甚踴悅 思樂出遊觀 猶如繫狂象

常慕閑曠野 父王聞太子 樂出彼園遊
卽勑諸羣臣 嚴飾備羽儀 平治王正路
并除諸醜穢 老病形殘類 羸劣貧窮苦
無令少樂子 見起獸惡心 莊嚴悉備已
啓請求拜辭 王見太子至 摩頭瞻顏色
悲喜情交結 口許而心留 衆寶軒飾車
結駟駿平流 賢良善術藝 年少美姿容
妙淨鮮華服 同車爲執御 街巷散衆華
寶綬蔽路傍 垣樹列道側 寶器以莊嚴
繪蓋諸幢旛 繢紛隨風颺 觀者俠長路

側身目運光 瞳矚而不瞬 如並青蓮華
臣民悉扈從 如星隨宿王 異口同聲歎
稱慶世希有 貴賤及貧富 長幼及中年
悉皆恭敬禮 唯願令吉祥 郭邑及田里
聞太子當出 尊卑不待辭 寢寐不相告
六畜不遑收 錢財不及斂 門戶不容閉
奔馳走路傍 樓閣堤塘樹 窵牖衢巷間
側身競容目 瞳矚觀無狀 高觀謂投地
步者謂乘虛 意專不自覺 形神若雙飛
虔虔恭形觀 不生放逸心 圓體膚支節

色若蓮華敷 今出處園林 願成聖法仙
太子見修塗 莊嚴從人衆 服乘鮮光澤
欣然心歡悅 國人瞻太子 嚴儀勝羽從
亦如諸王衆 見天太子生 時淨居天王
忽然在道側 變形衰老相 勸生厭離心
太子見老人 驚怪問御者 此是何等人
頭白而背僂 目冥身戰搖 任杖而羸步
爲是身卒暴 爲受性自爾 御者心躊躇
不敢以實答 淨居加神力 令其表真言
色變氣虛微 多憂少歡樂 喜忘諸根羸

是名衰老相 此本爲嬰兒 長養於母乳
及童子嬉遊 端正恣五欲 年逝形枯朽
今爲老所壞 太子長歎息 而問御者言
但彼獨衰老 吾等亦當然 御者又答言
尊亦有此分 時移形自變 必至無所疑
少壯無不老 舉世知而求 菩薩久習修
清淨智慧業 廣植諸德本 願果萃於今
聞說衰老苦 戰慄身毛豎 雷電霹靂聲
羣獸怖奔走 菩薩亦如是 震怖長噓息
繫心於老苦 領頭而瞪矚 念此衰老苦

世人何愛樂 老相之所壞 觸類無所擇
雖有壯色力 無一不遷變 目前見證相
如何不厭離 菩薩謂御者 宜速迴車還
念念衰老至 園林何足歡 壽命卽風馳
飛輪旋本宮 心存朽暮境 如歸空塚間
觸事不留情 所居無暫安 王聞子不悅
勸令重出遊 卽敕諸羣臣 莊嚴復勝前
天復化病人 守命在路傍 身瘦而腹大
呼吸長喘息 手腳攀枯燥 悲泣而呻吟
太子問御者 此復何等人 對曰是病者

四大俱錯亂 衰劣無所堪 轉側恃仰人
太子聞所說 卽生衰愍心 問唯此人病
餘亦當復爾 對曰此世間 一切俱亦然

有身必有患 愚癡樂朝歡

太子聞其說

卽生大恐怖 身心悉戰動 謂如揚波月

處斯大苦器

愚惑癡闇障 痘賊至無期

云何能自安 呼喚世間人

於是迴車還 憂念病苦

而生喜樂心 如人被打害

券身待杖至 靜息於閑宮 專求反世樂

王復聞子還 勅問何因緣

對曰見病苦

王怖猶失身 深責治路者 心結口不言

復增妓女衆 音樂倍勝前 以此悅視聽

樂俗不厭家 畫夜進聲色 其心未始歡

王自出遊歷 更求勝妙園 擇擇諸妓女

美豔極姿顏 智黠能奉事 容媚能惑人

增修王御道 防制諸不淨 幷勅善御者

瞻察擇路行 時彼淨居天 復化爲凡人

四人共持舉 現於菩薩前 餘人悉不覺

菩薩御者見 問此何等舉 營華雜莊嚴

從者悉憂感 散髮號哭隨 天神教御者

對曰爲歟人 諸根壞命斷 心散念識離
神逝形乾燥 挺直如枯木 親戚諸朋友
恩愛素纏綿 今悉不喜見 遠棄空塚間
太子聞歎聲 悲痛心交結 問唯此人歟
天下亦俱然 對曰普皆爾 夫始必有終
長幼及中年 有身莫不壞 太子心驚怛
身垂車軾前 息殆絕而歎 世人一何誤
公見身磨滅 猶尚放逸生 心非枯木石
曾不慮無常 卽勅迴車還 非復遊戲時
命脆歟無期 如何縱心遊 御者奉王勅
畏怖不敢旋 正御疾驅馳 徑往之彼園
林流肅清淨 嘉木悉敷榮 靈禽雜奇獸
飛走欣和鳴 光耀悅耳目 猶天難咤園
離欲品第四

太子入園林 衆女來奉迎 並生希遇想
競媚進幽誠 各盡妖姿態 供侍隨所宜
或有執手足 或遍摩其身 或復對言笑
或現憂感容 規以悅太子 令生愛樂心
衆女見太子 光顏狀天身 不假諸飾好
素體踰莊嚴 一切皆瞻仰 謂月天子來

種種設方便 不動菩薩心 更互相顧視
抱愧寂無言 有婆羅門子 名曰優陀夷
謂諸姝女言 汝等悉端正 聰明多技術
色力亦不常 兼解諸世間 隱密隨欲方
容色世希有 狀如玉女形 天見捨妃后
神仙爲之傾 如何人王子 不能感其情
今此王太子 持心雖堅固 清淨德純備
不勝女人力 古昔孫陀利 能壞大仙人
令習於愛欲 以足踏其頑 長苦行瞿曇
亦爲天后壞 勝渠仙人子 習欲隨汎流

毘尸婆梵仙 修道十千歲 深著於天后
一日頓破壞 如彼諸美女 力勝諸梵行

況汝等技術 女人性雖賤 尊榮隨勝夫
勿令絕王嗣 令彼生染心 爾時姝女衆
何不盡其術 增其踴悅心 如鞭策良馬

往到太子前 各進種種術 歌舞或言笑
揚眉露白齒 美目相眄昧 輕衣見素身
妖搖而徐步 詐親漸習近 情欲實其心
兼奉大王言 漫形媠隱陋 忘其慚愧情

太子心堅固 傲然不改容 猶如大龍象
羣象衆圍繞 不能亂其心 處衆若閑居
猶如天帝釋 諸天女圍繞 太子在園林
圍繞亦如是 或以香塗身 或爲整衣服 或爲洗手足
或以香塗身 或爲華嚴飾 或爲安枕席 或爲貫瓔珞
或有扶抱身 或世俗調戲 或說衆欲事 或傾身密語
規以動其心 聞諸妓女說 不憂亦不喜 增生厭思惟
始知諸女人 許此爲奇怪 欲心盛如是
不知少壯色 俄頃老死壞 哀哉此大惑
愚癡覆其心 當思老病死 畫夜勤勵勵
鋒劘臨其頸 如何猶嬉笑 見他老病死
不知自觀察 是則泥木人 當有何心慮
如空野雙樹 華葉俱茂盛 一已被斬伐
第二不知怖 此等諸人輩 無心亦如是
爾時優陀夷 來至太子所 見宴默禪思
心無五欲想 卽白太子言 大王先見勅
爲子作良友 今當奉誠言 朋友有三種
能除不饒益 成人饒益事 遭難不遺棄

我既名善友 棄捨丈夫儀 言不盡所懷
何名爲三益 今故說真言 以表我丹誠
年在於盛時 容色德充備 不重於女人
斯非勝人體 正使無實心 宜應方便納
當生輕下心 隨順取其意 愛欲增憍慢
無過於女人 且今心雖背 法應方便隨
順女心爲樂 順爲莊嚴具 若人離於順
如樹無華果 何故應隨順 攝受其事故
已得難得境 勿起輕易想 欲爲最第一
天猶不能忘 帝釋尚私通 瞞曇仙人妻
阿伽陀仙人 長夜修苦行 爲以求天后
而遂願不果 婆羅墮仙人 及與月天子
婆羅舍仙人 與迦賓闍羅 如是比衆多
悉爲女人壞 況今自境界 而不能娛樂
宿世極德本 得此妙衆具 世間皆樂著
而心反不珍 爾時王太子 聞友優陀夷
甜辭利口辯 善說世間相 答言優陀夷
感汝誠心說 我今當語汝 且復留心聽
不薄妙境界 亦知世人樂 但見無常相
故生患累心 若此法常存 無老病死苦

我亦應愛樂 終無厭離心 若令諸女色
至竟無衰變 愛欲雖爲過 猶可留人情
人有老病死 彼應自不樂 何況於他人
而生染著心 而生愛樂心 此則同禽獸
習著五欲者 非常五欲境 自身俱亦然
又稱彼勝王 善言假方便 彼即可厭患
當知彼非勝 當隨順習近者 習欲故磨滅
習則真染著 何名爲方便 亦復同磨滅
是事我不爲 真實隨順者 善言假方便
此心難裁抑 隨事卽生著 著則不見過
如何方便隨 虛順而心乖 此理我不見
知是老病死 大苦之積聚 令我墜其中
此非知識說 呸呼優陀夷 真爲大肝膽
生老病死患 此苦甚可畏 眼見悉朽壞
而猶樂追逐 今我至憚劣 其心亦狹小
思惟老病死 卒至不預期 畫夜忘睡眠
何由習五欲 老病死熾然 決定至無疑
猶不知憂患 真爲木石心 太子爲優陀
種種巧方便 說欲爲深患 不覺至日暮

時諸妓女衆 妓樂莊嚴具 一切悉無用
慚愧還入城 太子見園林 莊嚴悉休廢
妓女盡還歸 其處盡虛寂 倍增非常想
俛仰還本宮 父王聞太子 心絕於五欲
極生大憂苦 如利刺貫心 卽召諸羣臣
問欲設方便 咸言非五欲 所能留其心

出城品第五

王復增種種 勝妙五欲具 畫夜以娛樂
冀悅太子心 太子深厭離 了無愛樂情
但思生歎苦 如被箭師子 王使諸大臣
貴族名子弟 年少勝姿顏 聰慧執禮儀
晝夜同遊止 以取太子心 如是未幾時
啓王復出遊 服乘駿足馬 團繞俱出城
與諸貴族子 圍繞俱出城 譬如四種華
日照悉開敷 太子耀神景 羽從悉蒙光
出城遊園林 修路廣而平 樹木華果茂
心樂遂忘歸 路傍見耕人 墾壤殺諸蟲
其心生悲惻 痛踰刺貫心 又見彼農夫
勤苦形枯悴 蓬髮而流汗 塵土坌其身
耕牛亦疲困 吐舌而急喘 太子性慈悲

極生憐愍心 慨然興長歎 降身委地坐
觀察此衆苦 思惟生滅法 嘴呼諸世間
愚癡莫能覺 安慰諸人衆 各令隨處坐
自陰闇浮樹 端坐正思惟 觀察諸生衆
起滅無常變 心定安不動 五欲廓雲消
有覺亦有觀 入初無漏禪 離欲生喜樂
正受三摩提 世間甚辛苦 老病死所壞
終身受大苦 而不自覺知 獣他老病死
此則爲大患 我今求勝法 不應同世間
自嬰老病死 而反惡他人 如是真實觀
少壯色力壽 新新不暫停 終歸磨滅法
不喜亦不憂 不疑亦不亂 不眠不著欲
不壞不嫌彼 寂靜離諸蓋 慧光轉增明
爾時淨居天 化爲比丘形 來請太子所
太子敬起迎 問言汝何人 答言是沙門
畏狀老病死 出家求解脫 衆生老病死
變壞無暫停 故我求常樂 無滅亦無生
怨親平等心 不務於財色 所安唯山林
空寂無所營 塵想旣已息 蕭條倚空閑
精麤無所擇 乞求以支身 卽於太子前

輕舉騰虛逝 太子心歡喜 惟念過去佛
建立此威儀 遺像現於今 端坐正思惟
卽得正法念 當作何方便 遂心長出家
欵情抑諸根 謂止不遠逝 徐起還入城
形雖隨路歸 常念遊曠野 心實留山林
老者願爲子 紹繼無窮盡 犹如繫狂象
諸親內眷屬 太子時入城 士女俠路迎
太子心歡喜 少願爲夫妻 或願爲兄弟
若當從所願 忽聞斷集聲 諸集慚望斷
斯願要當成 深思斷集樂 增長涅槃心
身如金山峯 紺眼譬牛王 無盡法爲心
師子王遊步 徐入於本宮 徒入於本宮
心敬形亦恭 往詣父王所 猶如帝釋子
并啓生死畏 哀請求出家 一切諸世間
合會要別離 是故願出家 欲求真解脫
父王聞出家 心卽大戰懼 猶如大狂象
動搖小樹枝 前執太子手 流淚而告言
且止此所說 未是依法時 少壯心動搖

行法多生過 奇特五欲境 心尚未厭離
出家修苦行 未能決定心 空閑曠野中
其心未寂滅 汝心雖樂法 未若我是時
汝應領國事 令我先出家
此則爲非法 當息出家心
安樂善名聞 然後可出家
復啓於父王 惟爲保四事
保子命常存 無病不厭老
奉命停出家 衆具不損減
如此四事者 父王告太子 汝勿說此言
誰能保令無 汝求此四願
正爲人所笑 且停出家心 服習於五欲
太子復啓王 四願不可保 應聽子出家
願不爲留難 子在被燒舍 如何不聽出
分析爲常理 誰能不聽求 脫當自滅
不如以法離 若不以法離 从至孰能持
父王知子心 決定不可轉 但當盡力留
何須復多言 更增諸妓女 上妙五欲樂
晝夜苦防衛 要不令出家 國中諸羣臣
來詣太子所 廣引諸禮律 勸令順王命
太子見父王 悲感泣流淚 且還本宮中

端坐嘿思惟 宮中諸妓女 親近圍繞侍
伺候瞻顏色 瞩目不暫瞬 猶若秋林鹿
端視彼獵師 太子正容貌 猶若真金山
妓女共瞻察 聽教候音顏 敬畏察其心
猶彼林中鹿 漸已至日暮 太子處幽夜
光明甚輝耀 如日照須彌 坐於七寶座
熏以妙栴檀 妾女眾圍繞 奏犍撻婆音
如毘沙門子 衆妙天樂聲 太子心所念
第一遠離樂 雖作衆妙音 亦不在其懷
時淨居天子 知太子時至 決定應出家
忽然化來下 觷諸妓女衆 悉皆令睡眠
容儀不歛攝 委縱露醜形 惰睡互低仰
樂器亂縱橫 傍倚或反倒 或復似投淵
瓔珞如曳鎖 衣裳絞縛身 抱琴而偃地
猶若受苦人 黃綠衣流散 如摧迦尼華
縱體倚壁眠 狀若懸角弓 或手攀窓牖
如似絞灰尸 頸呻長欠咷 瞎汙涕流涎
蓬頭露醜形 見若顛狂人 華鬘垂覆面
或以面掩地 或舉身戰掉 猶若獨搖鳥
委身更相枕 手足互相加 或顰蹙皺眉

或闔眼開口 種種身散亂 狠藉猶橫夙
時太子端坐 觀察諸妓女 先皆極端嚴
言笑心諧黠 妖豔巧姿媚 而今悉醜穢
女人性如是 云何可親近 沐浴假莊飾
誑惑男子心 我今已覺了 決定出無疑
爾時淨居天 來下爲開門 太子時徐起
出諸妓女間 跖蹰於內閣 而告車匿言
吾今心渴仰 欲飲甘露泉 鞍馬速牽來
欲至不處鄉 自知心決定 堅固誓莊嚴
妓女本端正 今悉見醜形 門戶先關閉

今已悉自開 觀此諸瑞相 第一義之筌

車匿內思惟 應奉太子教 脫令父王知

復應深罪責 諸天加神力 不覺牽馬來

平乘駿良馬 衆寶鏤乘具 頸廣圓爪鼻

局背短毛耳 鹿腹鵝王頭 高翠長髦尾

龍咽臆臚方 具足驥驥相 太子撫馬頸

摩身而告言 父王常乘汝 臨敵輒勝怨

吾今欲相依 遠涉甘露津 戰鬪多衆旅

榮樂多伴遊 商人求珍寶 樂從者亦衆

遭苦良友難 求法必寡朋 堪此二友者

終獲於吉安 吾今欲出遊 爲度苦衆生

汝今欲自利 兼濟諸羣萌 宜當竭其力

長驅勿疲倦 勸已徐跨馬 理轡條晨征

人狀日殷流 馬如白雲浮 束身不奮迅

屏氣不噴鳴 四神來捧足 潛密寂無聲

重門固關鑰 天神自令開 敬重無過父

愛深莫踰子 內外諸眷屬 恩愛亦纏綿

遣情無遺念 飄然超出城 清淨蓮華目

從淤泥出生 顧瞻父王宮 而說告離篇

不度生老死 永無遊此緣 一切諸天衆

虛空龍鬼神 隨喜稱善哉 唯此真諦言

諸天龍神衆 慶得難得心 各以自力光

引導助其明 人馬心俱鏡 奔逝若流星

東方猶未曉 已進三由旬

佛所行讚經卷第一

音釋

褒

余制切
與裔同

怵惕

怵丑律切
惕惺懼也

聳矚

聳丈證切
矚矚之欲切

儻

式竹切

胤

羊晋切

憚

其季切

怖

心動也
怖懼也

躰

尼聊切

髦

莫袍切

菟

奴侯切

竊

奴徒了切
竊伊鳥切

瓊

幽閒切

豔

瞻公回切

美也

以

峙

直里切
徒了切
竊伊鳥切

也

也

也

也

也

也

也

經

佛所行讚經卷二

三

典

舉扈

侯古切後從日扈

躡躇

躡直由切踏猶豫也

躡

五感切

領

頭許私列切與

最

攀

力員切屬也

停

女耕切弱也

墾

康狠切耕也

欠咷

张口運氣也

鞞

私列切與

最

切勉

也加轄也

眇

面昧洛代斜視也

眇

私列切欠咷

鞞

私列切與

最

紹興府山陰縣信官

張汝懋男婿董氏法名大

佛道孫男

張震張陞張維佳玄孫

張錦施資刻

崇禎十一年四月徑山寂照菴識

佛所行讚經卷第二

馬

鳴

菩

薩

撰

北涼

天竺

藏

曇

無識

譯

車匿還品第六

須臾夜已過

衆生眼光出

顧見林樹間

跋伽仙人處

林流極清曠

禽獸親附人

太子見心喜

形勞自然息

此則爲祥瑞

必獲未曾利

又見彼仙人

所應供養者

并自護威儀

滅除憍慢跡

下馬手摩頭

汝今已度我

慈目視車匿

猶清涼水池

駿足馬馳駛 猶若鳥迅飛 汝常係馬後
感汝深敬勤 餘事不足計 惟取汝真心
心敬形甚勤 此二今始見 人有心至誠
身力無所堪 力堪心不至 汝今二俱備
捐棄世榮祿 進步隨我來 何人不向利
無利親戚離 汝今空隨我 不求現世報
何以育養子 爲紹嗣宗族 所以奉敬父
爲其育子故 一切皆求利 汝獨背利遊
多言何所解 今當畧告汝 汝事我已畢
今且乘馬還 自我長夜來 所求處今得
卽脫寶瓔珞 以授於車匿 持是以賜汝
以慰汝憂悲 寶冠頂摩尼 光明照其身
卽脫置掌中 如日曜須彌 車匿持此珠
還歸父王所 持珠禮王足 以表我虔心
爲我啓請王 願捨愛戀情 為脫生老死
故入苦行林 亦不求生天 非無仰戀心
亦不懷結恨 惟欲捨憂悲 長夜集恩愛
要當有別離 以有常離故 故求解脫因
若得解脫者 永無離親期 為斷愛出家
勿爲子生憂 五欲爲憂根 應憂著欲者

乃祖諸勝王 志堅固不移 今我襲餘財
惟法捨非宜 夫人命終時 產財悉遺子
子多貪俗利 而我樂法財 若言年少壯
非是遊學時 當知求正法 無時非爲時
無常無定期 从怨常隨逐 是故我今日
決定求法時 如上諸所啓 汝悉爲我宣
惟願令父王 不復顧戀我 若以形毀我
令王割愛心 汝莫惜其言 使王念不絕
車匿奉教勅 悲塞情惛迷 合掌而胡跪
還答太子言 如勅具宣者 恐更增憂悲
憂悲增轉深 如象溺深泥 決定恩愛離
有心孰不哀 金石尚摧破 何況溺哀情
太子長深宮 少樂身細軟 投身刺棘林
苦行安可堪 初命我索馬 我意已不安
天神驅逼我 命我速莊嚴 何意令太子
決定捨深宮 迦毘羅衛人 舉國生悲痛
父王年已老 念子愛亦深 決定捨出家
此則非所應 邪見無父母 此則無復論
瞿曇彌長養 乳哺形枯乾 慈愛難可忘
莫作背恩人 嬰兒功德母 勝族能奉事

得勝而復棄此則非勝人耶輸陀勝子

嗣國掌正法厥年尚幼小亦不應棄捨

已違捨父王及宗親眷屬勿復棄於我

要不離尊足心懷如湯火不堪獨還國

今於空野中棄太子而歸則同須曼提

棄捨於羅摩今若獨還宮白王當何言

合宮同見責復以何辭答太子向告我

隨方便形毀牟尼功德所云何而虛說

我深慚愧故舌亦不能言設使有言者

天下誰復信若言月光熱世間有信者

脫有信太子所行非法行太子心柔軟

常慈悲一切深愛而棄捨此則違宿心

願可思還宮以慰我愚誠太子聞車匿

悲切苦諫言心安轉堅固而復告之曰

汝今爲我故而生別離苦當捨此悲念

慰其心衆生各異趣乖離理自常

縱令我今日不捨親族者从至形神乖

當復云何留慈母懷妊我深愛懷抱苦

生已卽命終竟不蒙子養存亡各異路

今爲何處求曠野高顯樹衆鳥羣聚棲

暮集晨離散 世間離亦然 浮雲起高山
四集於空中 俄爾復離散 人理亦復然
世間本自乖 暫會恩愛纏 如夢中聚散
不應計我親 譬如春生木 漸長柯葉成
秋霜遂零落 同體尚分離 況人暫合會
親戚豈常俱 汝且息憂苦 順我教而歸
歸意猶存我 且歸後更還 迦毘羅衛人
聞我心決定 顧遺念我者 汝當宣我言
度生歟苦海 然後當來還 情願若不遂
身滅山林間 白馬聞太子 發斯真實言

屈膝而舐足 長息淚流連 輪掌網縵手
順摩白馬頂 汝莫生憂悲 我今懺謝汝
良馬之勤勞 其功今已畢 惡道苦長息
妙果現於今 衆寶莊嚴劍 車匿常執隨
太子拔利劍 如龍耀光明 寶冠籠玄髮
合剃置空中 上昇凝虛境 飄若鸞鳳翔
忉利諸天子 執髮還天宮 常欲奉事足
況今得頂髮 盡心加供養 至于正法盡
太子時自念 荘嚴具悉除 惟有素繒衣
猶非出家儀 時淨居天子 知太子心念

化爲獵師像 持弓佩利箭 身被袈裟衣
徑至太子前 太子念此衣 染色清淨服

仙人上妙飾 非獵者所應 卽呼獵師前
輭語而告曰 汝於此衣服 貪愛似不染

以我身上服 與汝相貿易 獵師白太子
非不惜此衣 用媒於羣鹿 誘引而殺之

苟是汝所須 今當與交易 獵者受妙衣
還復於天身 太子及車匿 定非世人服

此必無事衣 見生奇特想 獵者受妙衣
於衣倍增敬 卽與車匿別 內心大歡喜

猶若青絳雲 圍繞日月輪 安詳而諦步
入於仙人窟 車匿目隨矚 身沒不復見
大家捨父王 眷屬并及我 受著袈裟衣

入於苦行林 舉手仰呼天 悶絕而躰地
起抱白馬頸 望絕隨路歸 徘徊數反顧

形往心反馳 或沉思失窺 或俯仰垂身
或倒而復起 悲泣隨路還

入苦行林品第七

太子遣車匿 將入仙人處 端嚴身光曜
普照苦行林 具足一切義 隨義而之彼

如獸王師子 入于羣獸中 俗容悉已捨
惟見道真形 彼諸學仙士 忽見未曾有
懷然心驚喜 合掌端目矚 男女隨執事
卽視不改儀 如天觀帝釋 瞳視目不瞬
諸仙不移足 瞳視亦復然 任重手執作
不釋事而看 如牛在轍輶 形束而心依
俱學神仙者 咸說未會見 孔雀等衆鳥
亂聲而翔鳴 持鹿戒梵志 隨鹿遊山林
鹿性麤曠賜 見太子端視 隨鹿諸梵志
端視亦復然 甘蔗燈重明 猶如日初光
能感羣乳牛 增出甜香乳 彼諸梵志等
驚喜傳相告 爲八婆敷天 爲二阿濕波
爲第六魔王 爲梵迦夷天 爲日月天子
而來下此耶 要是所應敬 奔競來供養
太子亦謙下 敬辭以問訊 菩薩遍觀察
林中諸梵志 種種修福業 悉求生天樂
問長宿梵志 所行真實道 今我初至此
未知行何法 隨事而請問 願爲我解說
爾時彼二生 以諸修苦行 及苦行果報
次第隨事答 非聚落所出 清淨水生物

或食根莖葉 或復食華果 種種各異道
服食亦不同 或習於鳥生 兩足擒取食
有隨鹿食草 吸風蟠蛇仙 木石春不食
兩齒齧爲痕 或乞食施人 取殘而自食
或常水沐頭 或奉事於火 水居青魚仙
如是等種種 梵志修苦行 壽終得生天
以因苦行故 當得安樂果 兩足尊賢士
聞此諸苦行 不見真實義 內心不欣悅
思惟哀念彼 心口自相告 哀哉大苦行
惟求人天報 輪迴向生人 苦多而樂少
違親捨勝境 決定求天樂 雖免於小苦
終爲大苦縛 自枯槁其形 修行諸苦行
而求於受生 增長五欲因 不觀生人故
以苦而求苦 一切衆生類 心常畏於苦
精勤求受生 生已會當死 雖復畏於苦
而長沒苦海 此生極疲勞 將生復不息
任苦求現樂 求生天亦勞 求樂心下劣
俱墮於非義 方於極鄙劣 精勤則爲勝
未若修智慧 兩捨永無爲 苦身是法者
安樂爲非法 行法而後樂 因法果非法

身所行起滅 皆由心意力 若離心意者
此身如枯木 是故當調心 心調形自正
食淨爲福者 禽獸貧窮子 常食於果藥
斯等應有福 若言善心起 苦行爲福因
彼諸安樂行 何不善心起 樂非善心起
善亦非苦因 若彼諸外道 以水爲淨者
樂水居衆生 惡業應常淨 善本功德仙
所住止之處 功德仙住故 普世之所重
應尊彼功德 不應重其處 如是廣說法
遂至於日暮 見有事火者 或鑽或吹然
或有酥油灑 或舉聲呪願 如是竟日夜
觀察彼所行 不見真實義 而便欲捨去
時彼諸梵志 悉來請留住 眷仰菩薩德
忼忼勤勸請 汝從非法處 來至正法林
而復欲棄捨 是故勸請留 諸長宿梵志
蓬髮服草衣 追隨菩薩後 穎請小留神
菩薩見諸老 隨逐身疲勞 止住一樹下
安慰遣令還 梵志諸長幼 圍繞合掌請
汝忽來到此 园林妙充滿 而今棄捨去
遂成丘曠野 如人愛壽命 不欲捨其身

我等亦如是 惟願小留住 此處諸梵仙
王仙及天仙 皆依於此處 又隣雪山側
增長人苦行 其處莫過此 衆多諸學士
由此路生天 求福學仙者 皆從此已北
攝受於正法 慧者不遊南 若汝見我等
懈怠不精進 行諸不淨法 而不樂住者
我等悉應去 汝可留止此 此諸梵志等
常求苦行伴 汝爲苦行長 云何相棄捨
若能止住此 奉事如帝釋 亦如天奉事
毘黎訶鉢低 菩薩向梵志 說已心所願

我修正方便 惟欲滅諸有 汝等心質直
行法亦寂默 親念於來賓 我心實愛樂
美說感人懷 聞者皆沐浴 聞汝等所說
增我樂法情 汝等悉歸我 以爲法良朋
而今棄捨汝 其心甚悵然 先違本親屬
今與汝等乖 合會別離苦 其苦等無異
非我心不樂 亦不見他過 但汝等苦行
悉求生天樂 我求滅三有 形背而心乖
汝等所行法 自習先師業 我爲滅諸集
以求無集法 是故於此林 永無久停理

爾時諸梵志聞菩薩所說真實有義言
辭辯理高勝其心大歡喜深加崇敬情
時有一梵志常臥塵土中紫髮衣樹皮
黃眼修高鼻而白菩薩言志固智慧明
決定了生過知離生則安不著生天福
志求永滅身是則未會有惟見此一人
祠祀祈天神及種種苦行悉求生天樂
未離貪欲境能與貪欲爭志求真解脫
此則爲丈夫決定正覺士斯處不足留
當至頰陀山彼有大牟尼名曰阿羅藍
惟彼得究竟第一增勝眼汝當往詣彼
得聞真實道能使心悅者必當行其法
我觀汝志樂恐亦非所安當復捨彼遊
更求餘多聞隆鼻廣長目丹脣素利齒
薄膚面白澤朱舌長軟薄如是衆妙相
悉飲爾啖水當度不測深世間無有比
耆舊諸仙人不得者當得菩薩領其言
與諸仙人別彼諸仙人衆右繞各辭還
合掌憂悲品第八

車匿牽馬還望絕心悲塞隨路號泣行

不能自開割 先與太子俱 一宿之徑路

今捨太子還 生奪天蔭故 徘徊心顧戀

八日乃至城

良馬素奔駿

奮迅有威相

躡躅顧瞻仰 不覩太子形 旋轉慟悲鳴

遺失救世主

還迦毘羅衛

國土悉廓然

如歸空聚落 如日翳須彌 重冥舉世闇

泉池不澄清

華果不榮茂

巷路諸士女

憂感失歡容 車匿與白馬 慶快行不前

問事不能答 遷遲若厥行

衆見車匿還

不見釋王子 舉聲大號泣 如棄羅摩還

有人來路傍 傾身問車匿 王子世所愛

舉國人之命

汝輒盜將去 今爲何所在

車匿抑悲心

而答衆人言 我眷戀追逐

不捨於王子

王子捨於我 并棄俗威儀

荆頭被法服

入於苦行林 衆人聞出家

驚起奇特想

嗚咽而啼泣 淚淚交流下

各各相告語

我等作何計 衆人咸議言

悉當追隨去

如人命根壞 身死形神離

王子是我命

失命我豈生 此邑成丘林

彼林成郭邑
此城失威德
如殺昆黎多
城內諸士女
虛傳王子還
奔馳出路首
惟見馬空歸
莫知其存亡
悲泣種種聲
車匿步牽馬
歎欷垂淚還
失太子憂悲
加增怖懼心
如戰士破敵
執怨送王前
入門淚雨下
滿目無所見
白馬亦悲鳴
宮中雜鳥獸
聞白馬悲鳴
內廄中羣馬
不見而絕聲
後宮諸妓女
被髮面萎黃
形瘦脣口乾
弊衣不浣濯
垢穢不浴身
莊嚴具悉廢
毀悴不鮮明
舉體無光澤
猶如寅小星
狀如被賊形
見車匿白馬
涕泣絕望歸
感結而號咷
猶如新喪親
猶羣牛失道
大愛瞿曇彌
聞太子不還
束身投於地
四體悉傷壞
猶如狂風摧
金色芭蕉樹
又聞子出家
長歎增悲感
右旋細軟髮
一孔一髮生
黑淨鮮光澤
平住而灑地
何意合天冠
剃著草土中
臙臂師子步
修廣牛王目
身光黃金燄

方臆梵音聲 持是上妙相 入於苦行林
世間何薄福 失斯聖地主 妙細柔軟足
清淨蓮華色 土石刺棘林 云何而可蹈
生長於深宮 溫衣細軟服 沐浴以香湯
未香以塗身 今則冒風露 寒暑安可堪
華族大丈夫 摄挺勝多聞 德備名稱高
常施而無求 云何忽一朝 乞食以活身
清淨寶牀臥 奏樂以覺悟 豈能山樹間
草土以藉身 念子心悲痛 閼絕而躰地
侍人扶令起 爲拭其目淚 其餘諸夫人
憂苦四體垂 內感心慘結 不動如畫人
時耶輸陀羅 深責於車匿 共我意中人
今爲在何所 人馬三共行 今惟二來還
我心極惶怖 戰慄不自安 汝是不正人
不昵非善友 不吉縱強暴 應笑用啼爲
將去而啼還 反覆不相應 愛念自在伴
隨欲恣心作 故使聖王子 一去不復歸
汝今應大喜 作惡已果成 寧近智慧怨
不習愚癡友 假名爲良朋 內實懷怨結
今此勝王家 一旦悉破壞 此諸貴夫人

憂頓毀形好 淚泣氣息絕 商淚橫流下
夫主尚在世 依此如雪山 安意如大地
憂悲殆至死 況此窓牖中 悲泣長叫者
生亡其所天 其苦何可堪 告馬汝無義
奪人心所重 猶如闇冥中 惡賊劫珍寶
乘汝戰鬪時 刀矛鋒利箭 一切悉能堪
今有何不忍 一族之殊勝 強奪我心去
汝是弊惡蟲 造諸不正業 今日大嗚呼
聲滿於王宮 先劫我所念 爾時何以癡
若爾時有聲 舉宮悉應覺 爾時若覺者
不生今苦惱 車匿聞苦言 飲氣而息結
技淚合掌答 願聽我自陳 莫嫌責白馬
亦莫恚於我 我等悉無過 天神之所爲
我極畏王法 天神所驅遣 速牽馬與之
俱去疾如飛 厥氣令無聲 足亦不觸地
城門自然開 虛空自然明 心生奇特想
豈是我之力 耶輸陀聞說 嫌責心稍除
天神之所爲 非是斯等咎 斯皆天神爲
熾然大苦息 跛地稱怨嗟 雙輪鳥分乖
我今失依怙 同法行生離 樂法捨同行

何處更求法

古昔諸先勝

大快見王等

斯皆夫妻俱

學道遊林野

而今捨於我

爲求何等法

梵志祠祀典

夫妻必同行

同行法爲因

終則同受報

汝何獨法慳

棄我而隻遊

或見我嫉惡

更求無嫉者

或當嫌薄我

更求淨天女

以何勝德色

修習於苦行

以我薄命故

夫妻生別離

羅睺羅何故

不蒙於膝下

嗚呼不吉士

貌柔而心剛

勝族盛光榮

怨憎猶宗仰

又子生未孩

而能永棄捨

我亦無心腹

夫棄遊山林

不能自泯沒

此則木石人

言已心迷亂

或哭或狂言

或瞪視沉思

哽咽不自勝

憇憇氣殆盡

臥於塵土中

諸餘妓女衆

見生悲痛心

猶如盛蓮華

風雹摧令萎

父王失太子

晝夜心悲戀

齊戒求天神

願令子速還

發願祈請已

出於天祠門

聞諸啼哭聲

驚怖心迷亂

如天大雷電

羣象亂奔馳

見車匿白馬

廣問知出家

舉身投於地

如崩帝釋幢

諸臣徐扶起

以法勸令安

久而心小醒

而告白馬言 我數乘汝戰 每念汝有功
今者憎惡汝 倍於愛念時 所念功德子
汝輒運令去 擲著山林中 獨自空來歸
汝速持我往 不爾往將還 不爲此二者
我命將不存 更無餘方治 惟待子爲藥
如珊瑚志 慈爲子歿殺身 自然令無身
摩僧行生主 態復我常人 失子能自安
況復我常人 古昔阿闍王 愛子遊山林
失子能自安 感思而命終 卽時得生天
吾今不能歟 長夜住憂苦 合掌念吾子
虛渴如餓鬼 如人渴掬水 欲飲而奪之
守渴而命終 及我未命終 速語我子處
得子水復失 必生餓鬼趣 今我至虛渴
勿令我渴死 嘔於餓鬼中 我素志力強
難動如大地 失子心躁亂 如昔十車王
王師多聞士 大臣智聰達 二人勸諫王
不緩亦不切 願自寬情念 勿以憂自傷
古昔諸勝王 奢國如散華 子今行學道
何足苦憂悲 當憶阿私記 理數亦應然
天樂轉輪王 蕭然不累情 豈曰世界主

能移金玉心

今當使我等

推求到其所

方便苦諫諍

以表我丹誠

要望降其志

以慰王憂悲

王喜卽答言

惟汝等速行

如舍居陀鳥

爲子空中旋

我今念太子

便惄心亦然

二人旣受命

王與諸眷屬

其心小清涼

氣宣餐飲通

推求太子品第九

王正以憂悲

感切師大臣

如鞭策良馬

馳駛若迅流

身疲不辭勞

徑詣苦行林

捨俗五儀飾

善攝諸情根

入梵志精廬

敬禮彼諸仙

諸仙請就坐

說法安慰之

卽白仙人言

意有所諮問

爭稱淨飯王

甘蕨名稱胄

我等爲師臣

法教典要事

王如天帝釋

子如闍延多

爲度老病死

出家或投此

我等爲彼來

惟尊應當知

答言有此人

長臂大人相

擇我等所行

隨順生死法

往詣阿羅藍

以求勝解脫

旣得定實已

尊崇王速命

不敢計疲勞

尋路而馳進

見太子處林

悉捨俗儀飾

真體猶光耀

如日出烏雲

國奉天神師

執正法大臣 捨除俗威儀 下乘而步進
猶王婆摩疊 仙人婆私吒 往詣山林中
見王子羅摩 各隨其本儀 恭敬禮問訊
猶如條迦羅 及與央耆羅 盡心加恭敬
奉事天帝釋 王子亦隨敬 王師及大臣
如帝釋安慰 條迦央耆羅 卽命彼二人
坐於王子前 如富那婆敷 兩星侍月傍
王師及大臣 啓請於王子 如毘利波低
語彼闍延多 父王念太子 如利刺貫心
荒速發狂亂 臥於塵土中 日夜增悲思
流淚常如雨 勅我有所命 惟願留心聽
知汝樂法情 決定無所疑 非時入林敷
悲戀燒我心 汝若念法者 應當哀愍我
望寬遠遊情 以慰我懸心 勿令憂悲水
崩壞我心岸 如雲水草山 風日火雹災
憂悲爲四患 飄乾燒壞心 且還食土邑
時至更遊仙 不顧於親戚 父母亦棄捐
此豈名慈悲 覆護一切耶 法不必山林
在家亦修閑 覺悟勤方便 是則名出家
剃髮服染衣 自遊山藪間 此則懷異怖

何足名學仙 賴得一抱汝 以水雨其頭
冠汝以天冠 置於傘蓋下 瞩目一觀汝
然後我出家 頭留摩先王 阿菟闍阿沙
跋闍羅婆休 毘跋羅安提 毘提阿闍那
那羅濕波羅 如是等諸王 悉皆著天冠
瓔珞以嚴容 手足貫珠環 嫚女衆娛樂
不違解脫因 汝今可還家 崇習於二事
心修增上法 爲地增上主 垂淚約勒我
令宣如是言 既有此勅旨 汝應奉教還
父王因汝故 没溺憂悲海 無救無所依

無由自開釋 汝當爲船師 度苦安隱處
毘森摩王子 二羅彌跋提 聞父勅恭命
汝今亦應然 慈母鞠養恩 盡壽報罔極
如牛失其犢 悲呼忘眠食 汝今應速還
以救其生命 孤鳥離羣哀 龍象獨遊苦
憑依者失蔭 當思爲救護 一子猶幼孤
遭苦莫知告 免彼煢煢苦 如人救月蝕
舉國諸士女 別離苦熾然 歎息烟衝天
熏慧眼令闇 惟求見汝水 滅火目開明
菩薩聞父王 切教苦備至 端坐正思惟

隨宜遜順答 我亦知父王 慈念心過厚
畏生老病死 故違罔極恩 誰不重所生
以終別離故 正使生相守 死至莫能留
是故知所重 長辭而出家 聞父王憂悲
增戀切我心 但如夢暫會 倏忽歸無常
汝當決定知 不必子與親 所以生離苦
不必子與親 所以生離苦 聚苦之所生
如人隨路行 中道暫相逢 聚苦之所生
乖理本自然 合會暫成親 須臾各分散
深達親假合 不應生憂悲 隨緣理自分
他世更求親 暫親復乖離 處處無非親
常合而常散 散散何足哀 處胎漸漸變
分分死更生 一切時有死 山林何非時
時時受五欲 求財時亦然 一切時死故
除死法無時 欲使我爲王 慈愛法難違
如病服非藥 是故我不堪 高低愚癡處
放逸隨愛憎 終身常恐怖 思慮形神疲
順衆心違法 智者所不爲 七寶妙宮殿
於中盛火然 天厨百味飯 於中有雜毒
蓮華清涼池 於中多毒蟲 位高爲災宅

慧者所不居 古昔先勝王 見居國多愆
楚毒加衆生 猥患而出家 故知王正苦
不如行法安 不堪處深宮 黑虺同其穴 捨王位五欲
任苦遊山林 此則爲隨順 寧處於山林 食草同禽獸
今棄閑靜林 還家受五欲 樂法漸增明
此則非所應 名族大丈夫 樂法而出家
永背名稱族 建大丈夫志 毀形被法服
樂法遊山林 今復棄法服 有違慚愧心
天王尚不可 況歸人勝家 已吐貪恚癡
還復服食者 如人反食吐 此苦安可堪
如人舍被燒 方便馳走出 須臾還復入
此豈爲黠夫 見生老死過 猥患而出家
今當還復入 愚癡與彼同 處宮修解脫
則無有是處 解脫寂靜生 王者加楚毒
寂靜廢王威 王正解脫乖 動靜猶水火
二理何得俱 決定修解脫 亦不居王位
若言居王位 兼修解脫者 此則非決定
決定解不然 既非決定心 或出還復入
我今已決定 斷親屬鉤餌 正方便出家

云何還復入大臣內思惟太子丈夫志
深識德隨順所說有因緣而告太子言
如王子所說求法法應爾但今非是時
父王衰暮年念子增憂悲雖曰樂解脫
反更爲非法雖樂出無慧不思深細理
不見因求果徒捨現法觀有言有後世
又復有言無有無旣不判何爲捨現樂
若當有後世應任其所得若言後世無
無卽爲解脫若言有後世不說解脫因
如地堅火煖水濕風飄動後世亦復然
此則性自爾有說淨不淨各從自性起
言可方便移此則愚癡說諸根行境界
自性皆決定愛念與不念自性定亦然
老病死等苦誰方便使然謂水能滅火
火令水煎消自性增相壞性和成衆生
如人處胎中手足諸體分神識自然成
誰有爲之者棘刺誰令利此則性自然
及種種禽獸無欲使爾者諸有生天者
自在天所爲及與造化者無自力方便
若有所由生彼亦能令滅何須自方便

而求於解脫 有言我令生 亦復我令滅
有言無由生 要方便而滅 如人生育子
不負於祖宗 學仙人遺典 奉天大祠祀
此三無所負 則名爲解脫 古今之所傳
此三求解脫 若以餘方便 徒勞而無實
汝欲求解脫 惟習上方便 父王憂悲息
解脫道須臾 捨家遊山林 還歸亦非過
昔庵婆利王 久處苦行林 捨徒衆眷屬
還家居王位 國王子羅摩 去國處山林
聞國風俗離 還歸維正化 婆樓婆國王
名曰頭樓摩 父子遊山林 終亦俱還國
婆私皺牟尼 及與安低疊 山林修梵行
久亦歸本國 如是等先勝 正法善名稱
悉還王領國 如燈照世間 是故捨山林
正法化非過 太子聞大臣 愛語饒益說
以常理不亂 無礙而庠序 固志安隱說
而答於大臣 有無等猶豫 二心疑惑增
而作有無說 我不決定取 淨智修苦行
決定我自知 世間猶豫論 展轉相傳習
無有真實義 此則我不安 明人別真偽

信豈由他生 猶如生盲人 以盲人爲導
於夜大闇中 當復何所之 於淨不淨法
世間生疑惑 設不見真實 應行清淨道
寧苦行淨法 非樂行不淨 觀彼相承說
無一決定相 真言虛心受 永離諸過患
語過虛偽說 智者所不言 如說羅摩等
捨家修梵行 終歸還本國 服習五欲者
此等爲陋行 智者所不依 我今當爲汝
畧說其要義 日月墜於地 須彌雪山轉
我身終不易 退入於非處 寧投身盛火

不以義不畢 還歸於本國 入五欲熾然
表斯要誓言 徐起而長辭 太子辯鋒談
猶如盛日光 王師及大臣 言論莫能勝
相謂計已盡 惟當辭退還 深敬歎太子
不敢強逼迫 敬奉王命故 不敢速疾還
徘徊於中路 行邁顧遲遲 選擇黠慧人
審諦機悟士 隱身密伺候 然後捨而還

佛所行讚經卷第二

音釋

駛疎士切 妊汝媯切 眇舌取物也 貿莫候切 眇交易也

睽失冉冉陽弋赤
切琰賜急視也 故蘇后春
五左切 舊書客切
貧也 蹤躅躡直炙切躅直錄 行不進貌戲欵
氣咽而廄居祐切 獨魯甘切縕縷力主切
抽息也 近也 技武粉切 懈陟劣切 懈於緣切
也 技扶也 懈意不定也 懈憂悒也 妥渠營
也 也 餌仍吏 切獨

紹興府山陰縣信官張汝懋男娟董氏法名大
道孫男張震張陞張維佳玄孫張錦施資刻
佛所行讚經第二卷
崇禎十一年四月徑山寂照菴識

佛所行讚經卷第三

馬鳴菩薩撰

北涼天竺三藏曇無讖譯

餅沙王詣太子品第十

太子辭王師 及正法大臣

冒浪濟恒河

路由靈鷲嶽

藏根於五山

特秀峙中亭

林木華果茂

流泉溫涼分

入彼五嶽城

寂靜猶天外

國人見太子

容德深且明

少年身光澤

無比丈夫形

悉起奇特想

如見自在幢

橫行爲停足

隨後咸速馳

先進悉廻顧 瞩目觀無狀 四體諸相好
隨見目不移 恭敬來奉迎 合掌禮問訊
咸皆大歡喜 隨宜而供養 仰瞻尊勝顏
俯愧種種形 正素輕躁儀 寂默加肅恭
結恨心求解 慈和情頓增 士女公私業
一時悉休廢 敬形宗其德 隨觀盡忘歸
眉間白毫相 修廣紺青目 舉體金光曜
清淨網綬手 雖爲出家形 有應聖王相
王舍城士女 長幼悉不安 此人尚出家
我等何俗歡 爾時毘沙王 處於高觀上
見彼諸士女 惶惶異常儀 勅召一外人
備問何因緣 恭跪王樓下 具白所見聞
昔聞釋氏種 奇特殊勝子 神慧超世表
應王領八方 今出家在此 衆人悉奉迎
王聞心驚喜 形留神已馳 勅使者速還
伺候進趣宜 奉教密隨從 謹察所施爲
瞪靜端目視 佯步顯真儀 入里行乞食
爲諸乞士先 歡形心不亂 好惡靡不安
精麤隨所得 持鉢歸閑林 食訖漱清流
樂靜安白山 青林列高崖 丹華植其間

孔雀等諸鳥 翻飛而亂鳴 法服明鮮發
如日照榑桑 使見安住彼 次第具上聞
王聞心馳敬 卽勑嚴駕行 天冠佩華服
師子王遊步 簡擇諸宿重 安靜審諦士
導從百千衆 雲騰昇白山 見菩薩威儀
寂靜諸情根 端坐山巖室 如月麗青天
妙色淨端嚴 猶若法化身 虔心肅然發
恭步漸親近 猶如天帝釋 詣摩醯須摩
歛容執禮儀 敬問彼和安 菩薩詳而動
隨順反相酬 時王勞問畢 端坐清淨石
瞪矚瞻神儀 顏和情交悅 伏聞名高族
盛德相承襲 欽情久蘊積 今欲決所疑
日光之源宗 祚隆已萬世 令德紹遺嗣
弘廣萃於今 賢明年幼少 何故而出家
超世聖王子 乞食不存榮 妙體應全香
何爲服袈裟 手宜握天下 反以受薄餐
若不代父王 受禪享其土 吾今分半國
庶望少留情 旣勉逼親嫌 時過隨所從
當體我誠言 貪得爲良隣 或恃名勝族
才德容貌兼 不欲降高節 屈下受人恩

當給勇健士 器仗隨軍資 自力廣收羅
天下孰不推 明人知時取 法財五欲增
若不獲三利 終始徒勞勤 崇法捨財色
財爲一世人 富財捨法欲 此則保財濱
貧窶而忘法 五欲孰能歡 是故三事俱
德流而道宣 法財五欲備 名世大丈夫
無令圓相身 徒勞而無功 曼陀轉輪王
王領四天下 帝釋分半座 力不能王天
今汝膚長臂 足攬人天境 我不恃王力
而欲強相留 一以形好 受著出家衣
旣以敬其德 惟其人 汝今行乞食
我願奉其土 少壯受五欲 中年習用財
年耆諸根熟 是乃順法時 壯年守法財
必爲欲所壞 老則氣虛微 隨順求寂默
耆年愧財欲 行法舉世宗 壯年心輕躁
馳騁五欲境 儒侶契纏綿 情交相感深
年宿寡綢繆 順法者所宗 五欲悉休廢
增長樂法心 且崇王者法 大會奉天神
當乘神龍背 受樂上昇天 先勝諸聖王
嚴身寶瓔珞 祠祀設大會 終歸受天福

如是餅沙王 種種方便說 太子志堅固
不動如須彌

答餅沙王品第十一

餅沙王隨順

安慰勸請已

太子敬答謝

深感於來言

善得世間宜

所說不乖理

訶黎名族胄

爲人善知識

義懷心虛盡

法應如是說

世間諸凡品

不能處仁義

薄德愚近情

豈達名勝事

承習先勝宗

崇禮修敬讓

能於苦難中

周濟不相棄

是則爲世間

真善知識相

善发财通濟

是名牢固藏

守惜封已利

是必速忘失

國財非常寶

惠施爲福業

兼施善知識

雖散後無悔

既知汝厚懷

不爲違逆論

且今以所見

率心而相告

畏生老病死

欲求真解脫

捨親離恩愛

豈還習五欲

不畏盛毒蛇

凍雹猛盛火

惟畏五欲境

流轉勞我心

五欲非常賊

劫人善珍寶

詐僞虛非實

猶若幻化人

暫思令人惑

況常處其中

五欲爲大礙

永障寂滅法

天樂尚不可

況處人間欲

五欲生渴愛

終無滿足時

猶盛風猛火

投薪亦無足

世間諸非義

莫過五欲境

衆生愚貪故

樂著而不覺

智者畏五欲

不墮於非義

王領四海內

猶外更希求

愛欲如大海

終無止足時

曼陀轉輪王

普天雨黃金

王領四天下

復希忉利天

帝釋分半座

欲尚致命終

農沙修苦行

王三十三天

縱欲心高慢

仙人挽步車

緣斯放逸行

卽墮蟒蛇中

涇羅轉輪王

遊於忉利天

取天女爲后

稅歛仙人金

仙人忿加呪

國滅而命終

婆羅天帝釋

天帝釋農沙

農沙歸帝釋

天主豈有常

國土非堅固

惟大力所居

被服於草衣

食果飲流水

長髮如垂地

寂默無所求

如是修苦行

終爲欲所壞

當知五欲境

行道者怨家

千臂大力王

勇健難爲敵

羅摩仙人殺

亦由貪欲故

況我刹利種

不爲欲所牽

少味境界欲

子息長彌增

慧者之所惡

欲毒誰服食

種種苦求利

悉爲貪所使

若無貪欲者

勤苦則不生

慧者見苦過

滅除於貪欲 世間謂爲善 卽皆是惡法

衆生所貪樂

生諸放逸故

放逸反自傷

死當墮惡趣

勤方便所得

而方便守護

不勤自忘失

非方便能留

猶若假借物

智者不貪著

貪欲勤苦求

得已增愛著

非常離散時

益復增苦惱

執炬還自燒

智者所不著

愚癡卑賤人

慳貪毒燒心

終身長受苦

未曾得安樂

貪恚如蛇毒

智者何由近

勤苦齧枯骨

無味不充飽

徒自困牙齒

智者所不嘗

王賊水火分

惡子等共財

亦如臭段肉

一聚羣鳥爭

貪財亦如是

智者所不欣

有財所集處

多起於怨憎

晝夜自守護

如人畏重怨

東市殺標下

人情所憎惡

貪恚癡長標

智者常遠離

入山林河海

多敗而少安

如樹高條果

貪取多什死

貪欲境如是

雖見難可取

苦方便求財

難集而易散

猶如夢所得

智者豈保持

如爲覆火坑

蹈者必燒死

貪欲火如是

智者所不遊

如彼鳩羅步

弼瑟膩難陀

彌郗黎檀茶

如屠家刀机 愛欲形亦然 智者所不爲
束身投水火 或投於高巖 而求於天樂
徒苦不獲利 孫陶鉢孫陶 阿須倫兄弟
同生相愛念 爲欲相殘害 身死名俱滅
皆由貪欲故 貪欲令人賤 鞭杖驅策苦
愛欲卑希望 長夜形神疲 犀鹿貪聲死
飛鳥隨色貪 淵魚貪鈎餌 悉爲欲所困
觀察資生具 非爲自在法 食以療饑患
除渴故飲水 衣被御風寒 卧以治睡眠
行疲故求乘 立倦求牀座 除垢故沐浴

皆爲息苦故 是故應當知 五欲非自在
如人得熱病 求請冷治療 貪求止苦患
愚夫謂自在 而彼資生具 亦非定止苦
又令苦法增 故非自在法 溫衣非常樂
時過亦生苦 月光夏則涼 冬則增寒苦
乃至世八法 悉非決定相 苦樂相不定
奴王豈有聞 教令衆奉用 以王爲勝者
教令卽是苦 猶擔能任重 普銓世輕重
衆苦集其身 爲王多怨憎 雖親或成患
無親而獨立 此復有何歡 雖王四天下

用皆不過一 營救於萬事 唐苦何益身

未若止貪求 息事爲大安 居王五欲樂
不王閑寂歡 歡樂旣同等 何用王位爲

汝勿作方便 導我於五欲 我情之所願
清涼虛通道 汝欲相饒益 助成我所求

我不畏怨家 不求生天樂 心不懷俗利
而捨於天冠 是故違汝情 不獲從來旨

如免毒蛇口 豈復還執持 執炬而自燒

何能不速捨 有目羨盲人 已解復求縛

富者願貧窮 智者習愚癡 世有如此人

則我應樂國 欲度生老死 節身行乞食
寡欲守空閑 後世受苦報 其心常虛渴

汝今勿哀我 當哀爲王者 今世不獲安

後世免惡道

是則二世安

大丈夫禮儀 厚懷處於我 若習三品樂

是名世丈夫 此亦爲非義 常求無足故

若無生老死 乃名大丈夫 汝言少輕躁

老則應出家 我見年老者 力劣無所堪

不如盛壯時 志猛心決定 死賊執劔隨

常伺求其便 豈聽至年老 遂志而出家
無常爲獵師 老弓病利箭 於生死曠野
常伺衆生鹿 得便斷其命 孰聽終年壽
夫人之所爲 若生若滅事 少長及中年
悉爲勤方便 祠祀修大會 是皆愚癡故
應當崇正法 反殺以祠天 害生而求福
此則無慈人 害生果有常 猶尚不應殺
況復求無常 而害生祠祀 若無戒聞慧
修禪寂靜者 不應從世間 祠祀設大會
殺生得現樂 慧者不應殺 況復殺衆生
而求後世福 三界有爲果 悉非我所樂
諸趣流動法 如風水瓢草 是故我遠來
爲求真解脫 聞有阿羅藍 善說解脫道
今當往詣彼 大仙牟尼所 誠言苦抑斷
我今悔謝汝 願汝國安隱 善護如帝釋
慧明照天下 猶如盛日光 殊勝大地主
端心護其命 正化護其子 以法王天下
冰雪火爲怨 綠火烟幢起 煙幢成浮雲
浮雲興大雨 有鳥於空中 飲雨不雨身
殺重怨爲宅 居宅重怨殺 有殺重怨者

汝今應伏彼 令其得解脫 如飲不雨身
時王卽叉手 敬德心歡喜 如汝之所求
願令果速成 汝速成果已 當還攝受我
菩薩心內許 要令隨汝願 交辭而隨路
往詣阿羅藍 王與諸眷屬 合掌自隨送
咸起奇特想 而還王舍城

見阿羅藍鬱頭藍品第十二

互相問安否 相勞問畢已 詳序而就坐
梵志見太子 容貌審諦儀 敬詣於牟尼
如渴飲甘露 舉手告太子 知汝久出家
斷親愛纏鎖 猶如象脫羈 深智覺慧明
能免斯毒果 古昔明勝王 捨位付其子
如人佩華鬘 朽故而棄捨 未若汝盛年
不愛聖王位 觀汝深固志 堪爲正法器
當乘智慧舟 超度生死海 凡人誘來學
審才而後教 我今已知汝 堅固決定志
但當任意學

歡喜而報言 汝以平等心 善誨無愛憎
但當虛心受 所願便已獲 夜行得炬火
迷方者蒙導 度海得輕舟 我今亦如是
今已蒙哀許 敢問心所疑 生老病死患
云何而可免 爾時阿羅藍 聞太子所問
自以諸經論 略爲其解說 汝是機悟士
聰中之第一 今當聽我說 生死起滅義
性變生老死 此五爲衆生 性者爲純淨
轉變者五大 我覺及與見 隨境根名變
色聲香味觸 是等名境界 手足語二道
是名五業根 眼耳鼻舌身 是名爲覺根
意根兼二義 亦業亦名覺 性轉變爲因
知因者爲我 迦毗羅仙人 及弟子眷屬
於此我要義 修學得解脫 彼迦毗羅者
今波闍波提 覺知生老死 是說名爲見
與上相違者 說名爲不見 愚癡業愛欲
是說爲輪轉 若住此三種 是衆生不離
不信我疑惑 不別無方便 境界深計著
纏綿於我所 不信顛倒轉 異作亦異解
我說我知覺 我去來住覺 如是等計我

是名我作轉 於諸性猶豫 是非不得實
如是不決定 是說名爲疑 若說法是我
說彼即是意 亦說覺與業 說數復說我
如是不分別 是說名總濫 愚黠性變等
不了名不別 禮拜誦諸典 殺生祠天祀
水火等爲淨 而作解脫想 如是種種見
是名無方便 愚癡所計著 意言語覺業
及境界計者 是說名爲著 諸物悉我所
是名爲攝受 如此八種惑 彌綸於生死
諸世間愚夫 攝受於五節 閻癡與大癡
瞋恚與恐怖 嬰惰名爲闇 生死名爲癡
愛欲名大癡 大人生惑故 懷恨名瞋恚
心懼名恐怖 此愚癡凡夫 計著於五欲
生死大苦本 輪轉五道生 轉生我見聞
我知我所作 緣斯計我故 隨順生死流
此因非性者 果亦非有性 謂彼正思惟
四法向解脫 黯慧與愚闇 顯現不顯現
若知此四法 能離生老死 生老死既盡
逮得無盡處 世間婆羅門 皆悉依此義
修行於梵行 亦爲人廣說 太子聞斯說

復問阿羅藍 云何爲方便 窠竟至何所
行何等梵行 復應齊幾時 何故修梵行
法應至何所 如是諸要義 爲我具足說
時彼阿羅藍 如其經論說 自以慧方便
更爲畧分別 初離俗出家 依倚於乞食
廣集諸威儀 奉持於正戒 少欲知止足
精麤任所得 樂獨修閑居 勤習諸經論
見貪欲怖畏 及離欲清淨 攝諸根聚落
安心於靜默 離欲惡不善 欲界諸煩惱
遠離生喜樂 得初覺觀禪 旣得初禪樂
及與覺觀心 而生奇特想 愚癡心樂著
心依遠離樂 精勤求上進 第二禪相應
方便出覺觀 得生光音天 方便離喜樂
味著彼喜樂 增修第三禪 愚癡心樂著
增修第三禪 建得第四禪 慧者能自知
捨彼意樂者 住彼四禪報 生於偏淨天
或生解脫想 安樂不求勝 生於偏淨天
以彼久壽故 名之爲廣果 於彼禪定起
見有身爲過 增進修智慧 獣離第四禪
決定增進求 方便除色欲 始自身諸竅

漸次修虛解 終則堅固分 悉成於空觀
畧空觀境界 進觀無量識 善於內寂靜
離我及我所 觀察無所有 是無所有處
文闍皮骨離 野鳥離樊籠 遠離於境界
解脫亦復然 是上婆羅門 離形常不盡
慧者應當知 是爲真解脫 汝所問方便
及求解脫者 如我上所說 深信者當學
持祇沙仙人 及與闍那伽 毗陀波羅沙
及餘求道者 悉從於此道 而得真解脫
太子聞彼說 思惟其義趣 發其先宿緣
而復重請問 聞汝勝智慧 微妙深細義
於知因不捨 則非究竟道 性轉變知因
說言解脫者 我觀是生法 亦爲種子法
汝謂我清淨 則是真解脫 若遇因緣會
則應還復縛 猶如彼種子 時地水火風
離散生理乖 遇緣種復生 無知業因愛
捨則名脫者 存我諸衆生 無畢竟解脫
處處捨三種 而復得三勝 以我常有故
彼則微細隨 微細過隨故 心則離方便
壽命得長久 汝謂真解脫 汝言離我所

離者則無有
是故有求那
義異而體一
色煖離於火
則無有身者
是故先解脫
或知或無知
若有所知者
我則無所用
且知其精麤
所作則畢竟
知非一切智
彼亦計有我
離想非想住
必當還退轉
更求勝妙道
五比丘先住
持戒修苦行
寂靜甚可樂
五比丘知彼
衆數既不離
當知非解脫
若言相離者
別火不可得
如是求那前
然後爲身縛
若言有知者
則非爲解脫
離我而有知
背麤而崇微
於阿羅藍說
應行更求勝
雖觀細微境
更無有出塗
菩薩求出故
復捨鬱陀仙
見想不想過
以衆生至彼
復捨鬱陀仙
城名苦行林
居連禪河側
一處靜思惟
盡心加供養

經

不二譯經卷

五

東

如敬自在天 謙卑而師事 進止常不離
猶如修行者 諸根隨心轉 善薩勤方便
當度老病死 專心修苦行 節身而忘餐
淨心守齋戒 行人所不堪 寂默而禪思
遂經歷六年 日食一麻米 形體極銷羸
欲求度生死 重惑愈更沉 道由慧解成
不食非其因 四體雖微劣 慧心轉增明
神虛體輕微 名德普流聞 猶如月初生
鳩摩頭華敷 溢國勝名流 士女競來觀
苦形如枯木 垂滿於六年 怖畏生死苦
專求正覺因 自惟非由此 離欲寂觀生
未若我先時 於閭浮樹下 所得未曾有
當知彼是道 道非疲身得 要須身力求
飲食充諸根 根悅令心安 心安順寂靜
靜爲禪定筌 由禪知正法 法力得難得
寂靜離老死 第一離諸垢 如是等妙法
悉從飲食生 澡浴尼連演 淋已欲出池
舉手攀而出 時彼出林側 有一牧牛長
長女名難陀 淨居天來告 菩薩在林中

汝應往供養 難陀婆羅闍 歡喜到其所
手貫白珂釧 身服青染衣 青白相映發
如水淨泡鬢 信心增踴躍 稽首菩薩足
敬奉香乳糜 惟垂哀愍受 菩薩受而食
彼得現法果 食已諸根悅 堪受於菩提
身體蒙光澤 德問轉崇高 如百川增海
初月日增明 五比丘見已 驚起嫌怪想
謂其道心退 捨而擇善居 如人得解脫
五大悉遠離 菩薩獨遊行 詣彼吉祥樹
當於彼樹下 成等正覺道 其地廣平正

柔澤軟草生 安詳師子步 步步地震動
地動感黑龍 歡喜目開明 言曾見先佛
地動相如今 牟尼德尊重 大地所不勝
步步足履地 轟轟震動聲 妙光照天下
猶若朝日明 五百羣青雀 右遶空中旋
柔軟清涼風 隨順而迴轉 如斯諸瑞相
悉同過去佛 以是知菩薩 當成正覺道
從彼獲草入 得淨柔軟草 布草於樹下
正身而安坐 跛趺不傾動 如龍紋縛身
要不起斯座 究竟其所作 發斯真誓言

天龍悉歡喜 清涼微風起 草木不鳴條
一切諸禽獸 寂靜悉無聲 斯皆是菩薩
必成覺道相

破魔品第十三

仙王族大仙 於菩提樹下 建立堅固誓
要成解脫道 鬼龍諸天衆 悉皆大歡喜
法怨魔天王 獨憂而不悅 五欲自在王
具諸戰鬪藝 憎嫉解脫者 故名爲波旬
魔王有三女 美貌善儀容 種種惑人術
天女中第一 第一名欲染 次名能悅人

三名可愛樂 三女俱時進 白父波旬言
不審何憂患 父具以其事 寫情告諸女
世有大牟尼 身被大誓鎧 執持大強弓
智慧剛利箭 欲戰伏衆生 破壞我境界
我一旦不如 衆生信於彼 悉歸解脫道
我土則空虛 譬如人犯戒 其身則空虛
及慧眼未開 我國猶得安 當往壞其志
斷截其橋梁 執弓持五箭 男女眷屬俱
詣彼吉安林 願衆生不安 見牟尼靜默
欲度三有海 左手執強弓 右手彈利箭

而告菩薩言 汝刹利速起 死甚可怖畏
當修汝自法 捨離解脫法 習戰施福會
調伏諸世間 終得生天樂 此道善名稱
先勝之所行 仙王高宗胄 乞士非所應
今若不起者 旦當安汝意 慎莫捨約誓
試我一放箭 涼羅月光孫 亦由我此箭
小觸如風吹 其心發狂亂 寂靜苦行仙
聞我此箭聲 心卽大恐怖 混迷失本性
況汝末世中 望脫我此箭 汝今速起者
幸可得安全 此箭毒猛盛 懷愧而戰掉

計力堪箭者 自安猶尚難 況汝不堪箭
云何能不驚 魘說斯怖事 迫憚於菩薩
菩薩心怡然 不疑亦不怖 魘王卽放箭
兼進三玉女 菩薩不視箭 亦不顧三女
魔王惕然疑 心口自相語 曾爲雪山女
射摩醯首羅 能令其心變 而不動菩薩
非復以此箭 及天三玉女 所能移其心
令起於愛恚 當更合軍衆 以力強逼迫
作此思惟時 魔軍忽然集 種種各異形
執戟持刀劍 戴樹捉金杵 種種戰鬪具

猪魚驢馬頭 駝牛兕虎形 師子龍象首
及餘禽獸類 或一身多頭 或面各一日
或復衆多眼 或大腹長身 或羸瘦無腹
或長脚大膝 或大腳肥腨 或長牙利爪
或無頭胷尚 或兩足多身 或大面傍面
或作灰土色 或似明星光 或身放烟火
或象耳負山 或被髮裸形 或被服皮革
面色半赤白 或著虎皮衣 或復著蛇皮
或腰帶大鈴 或繁髮螺髻 或散髮被身
或吸人精氣 或奪人生命 或趣擲大呼
或奔走相逐 迂自相打害 或空中旋轉
或飛騰樹間 或虓呀吼喚 惡聲震天地
如是諸惡類 圍遶菩提樹 或欲肇裂身
或復欲吞噉 四面放火然 烟燄上衝天
狂風四激起 山林普震動 風火烟塵合
黑闇無所見 愛法諸天人 及諸龍鬼神
悉皆忿魔衆 晴恚血淚流 淨居諸天衆
見魔亂菩薩 離欲無瞋心 哀愍而傷彼
悉來見菩薩 端坐不傾動 無量魔圍達
惡聲動天地 菩薩安靜默 光顏無異相

猶如師子王 處於羣獸中 皆歡嗚呼呼
奇特未曾有 魘衆相驅策 各進其威力
迭共相催切 須臾令摧滅 裂背加切齒
亂飛而逃擲 衆魔益忿恚 倍增戰鬪力
舉者不能下 雷震雨大雹 飛矛戟利稍
化成香風氣 化成五色華 抱石不能舉
不能令傾動 隨事還自傷 惡龍蛇噴毒
名彌伽迦利 手執觸體器 縱虛而不下
作種種異儀 姮惑亂菩薩 欲害菩薩者
種種醜類身 作種種惡聲 魔王有姊妹
不能動一毛 諸魔悉憂惑 在於菩薩前
隱身出音聲 我見大牟尼 心無怨恨想
衆魔惡毒心 無怨處生怨 欲恐怖菩薩
徒勞無所爲 當捨恚害心 愚癡諸惡魔
汝不能口氣 吹動須彌山 空中負多神
地性平柔軟 不能壞菩薩 歷劫修苦行
菩薩正思惟 精進勤方便 淨智慧光明
慈悲於一切 此四妙功德 無能中斷截

而爲作留難 不成正覺道 如日千光照
必除世間闇 鑽木而得火 掘地而得水
精勤正方便 無求而不獲 世間無救護
中貪恚癡毒 哀愍衆生故 求智慧良藥
爲世除苦患 汝云何惱亂 世間諸癡惑
皆悉著邪徑 普薩習正路 欲引導衆生
惱亂世導師 是則大不可 如大曠野中
欺誑商人導 衆生墮大冥 莫知所至處
爲然智慧燈 云何欲令滅 衆生悉漂沒
生死之大海 爲修智慧舟 云何欲令沒

忍辱爲法芽 固志爲法根 律儀戒爲華
覺心爲枝幹 智慧之大樹 無上法爲果
蔭護諸衆生 云何而欲伐 貪恚癡枷鎖
輒縛於衆生 長劫修苦行 爲解衆生縛
決定成於今 於比正基坐 如過去諸佛
堅豎金剛際 諸方悉傾動 惟此地安隱
能堪受妙定 非汝所能壞 但當輕下心
除諸高慢意 應修知識想 忍辱而奉事
魔聞空中聲 見菩薩安靜 慚愧離憍慢
復道還天上 魔衆悉憂惑 崩潰失威武

鬪戰諸器仗 縱橫棄林野 如人殺怨主
怨黨悉摧碎 衆魔既退散 菩薩心虛靜
日光倍增明 塵霧悉除滅 月明衆星朗
無復諸閻障 空中雨天華 以供養菩薩
阿惟三菩提品第十四

菩薩降魔已 志固心安靜 永盡第一義
入於深妙禪 自在諸三昧 次第現在前
初夜入正受 憶念過去生 從某處某名
而來生於此 如是百千萬 死生悉了知
受生死無量 一切衆生類 悉曾爲親族
而起大悲心 大悲心念已 又觀彼衆生
輪迴六趣中 生死無窮極 虛僞無堅固
如芭蕉夢幻 卽於中夜時 建得淨天眼
見一切衆生 如觀鏡中像 衆生生生死
貴賤與貧富 清淨不淨業 隨受苦樂報
觀察惡業者 當生惡趣中 修習善業者
生於人天中 若生地獄者 受無量種苦
吞飲於洋銅 鐵槍貫其體 投之沸鑊湯
驅入盛火聚 長牙羣犬食 利嘴烏啄腦
畏火起叢林 劍葉截其體 利刀解其身

或利斧斫剗 受斯極苦毒 業行不令死
樂修不淨業 極苦受其報 味著須臾頃
苦報甚久長 戲笑種苦因 號泣而受罪
惡業諸衆生 若見自報者 氣脈則應斷
恐怖崩血死 造諸畜生業 業種種各異
死墮畜生道 種種各異身 或爲皮肉死
毛角骨尾羽 更互相殘殺 親戚還相噉
負重而挽輶 鞭策鉤錐刺 傷體膿血流
饑渴莫能解 展轉相殘殺 無有自在力
虛空水陸中 逃死亦無處 慳貪增上者

生於餓鬼趣 巨身如大山 咽孔猶針箇
饑渴火毒然 還自燒其身 求者慳不與
或遮人惠施 生彼餓鬼中 欲食而變失
不淨人所棄 割肉以施人 若人聞慳貪
苦報如是者 身處於行廁 勸苦而求生
或生人中道 輢身觸外物 猶如刀劍截
出胎生恐怖 無時不有死 得生長受苦
住彼宿業分 乘福生天者 渴愛常燒身
得生長受苦 福盡命終時 衰死五相至 猶如樹華萎

枯悴失光澤
宮殿廓然空
悲泣相戀慕
精勤修苦行
嗚呼諸天人
永離於愛欲
地獄受衆苦
人間疲渴愛
迷惑生世間
輪轉無窮已
如是淨天眼
如芭蕉泡沫
觀察諸世間
其數無有量
正念內思惟
必由生所致
又觀生何因
非自在天生
如破竹初節
眷屬存亡分
玉女悉遠離
生者哀墮落
大方便所得
貪求生天樂
謂決定長存
畜生相殘殺
雖云生天樂
無一蘇息處
衆生沒長流
觀察於五道
卽彼第三夜
輪轉苦自性
貪欲癡闇障
莫知所由出
生死何從起
如人有身故
見從諸有業
天眼觀有業
既見生死因
悲苦莫能留
坐卧塵土中
死者戀生悲
既有如是苦
不免別離苦
修短無差別
謂決定長存
而今悉墮落
積劫修苦行
大方便所得
餓鬼饑渴逼
別離最大苦
嗚呼生死海
漂泊無所依
虛僞不堅固
入於深正受
數數生老死
決定知老死
則有身痛隨
亦復非無因

漸次見真實 有業從取生 猶如火得薪
取以愛爲因 如小火焚山 知愛從受生
覺苦樂求安 餓渴求飲食 受生愛亦然
諸受觸爲因 三等苦樂生 鑽燧加人功
則得火爲用 觸從六入生 盲無明覺故
六入名色起 如芽長莖葉 名色由識生
如種芽葉生 識還從名色 展轉更無餘
緣識生名色 水陸更相運 緣名色生識 猶人船俱進
諸根生於觸 如識生名色 名色生諸根
愛欲生於取 取生於業有 有則生於生
生生於老死 輪廻周無窮 衆生因緣起
正覺悉覺知 決定正覺已 生盡老死滅
有滅則生滅 取滅則有滅 愛滅則取滅
受滅則愛滅 觸滅則受滅 六入滅觸滅
一切入滅盡 由於名色滅 識滅名色滅
行滅則識滅 癡滅則行滅 大仙正覺成
如是正覺成 佛則與世間 正見等八道
坦然平直路 畢竟無我所 如薪盡火滅
所作者已作 得先正覺道 究竟第一義

入大仙人室 開謝明相生 動靜悉寂默
逮得無盡法 一切智明朗 大仙德純厚
地爲普震動 宇宙悉清明 天龍神雲集
空中奏天樂 以供養於法 微風清涼起
天雲雨香雨 妙華非時敷 甘果違節熟
摩訶曼陀羅 種種天寶華 從空而亂下
供養牟尼尊 異類諸衆生 各慈心相向
恐怖悉銷除 無諸恚慢心 一切諸世間
皆同漏盡人 諸天樂解脫 惡道暫安寧
煩惱漸休息 智月漸增明 甘露族仙士
有諸生天者 見佛出興世 歡喜充滿身
卽於天宮殿 雨華以供養 諸天龍鬼神
同聲歎佛德 世人見供養 及聞讚歎聲
一切皆隨喜 蹤躍不自勝 惟有魔天王
心生大憂悲 佛於彼七日 禪思心清淨
觀察菩提樹 瞳視目不瞬 我依於此處
得遂宿心願 安住無我法 佛眼觀衆生
發上哀愍心 欲令得清淨 貪恚癡邪見
飄流沒其心 解脫甚深妙 何由能得宣
舍離勤方便 安住於默然 顧惟本誓願

復生說法心 觀察諸衆生 煩惱孰增微
梵天知其念 法應請而轉 普放梵光明
爲度苦衆生 來見牟尼尊 說法大人相
妙義悉顯現 安住實智中 離於留難過
無諸虛僞心 恭敬心歡喜 合掌勸請言
世間何福慶 遭遇大悲尊 一切衆生類
塵穢淳雜心 或有重煩惱 或煩惱輕微
世尊已免渡 生死大苦海 願當濟渡彼
沉溺諸衆生 如世間義士 得利與物同
世尊得法利 惟應濟衆生 凡人多自利

彼我兼利難 惟願垂慈悲 爲世難中難
如是勸請已 奉辭還梵天 佛以梵天請
心悅加其誠 長養大悲心 增其說法情
念當行乞食 四王咸奉鉢 如來爲法故
受四合成一 時有商人行 善友天神告
大仙牟尼尊 在彼山林中 世間良福田
汝應往供養 聞命大歡喜 奉施於初飯
食已顧思惟 誰應先聞法 惟有阿羅藍
鬱頭羅摩子 彼堪受正法 而今已命終
次有五比丘 應聞初說法 欲說寂滅法

如日光除冥

行詣波羅奈

古仙人住處

牛王目平視

安詳師子步

爲度衆生故

往詣迦尸城

步步獸王視

顧瞻菩提林

轉法輪品第十五

如來善寂靜

光明顯照曜

嚴儀獨遊步

猶若大衆隨

道逢一梵志

其名優波迦

執持比丘儀

恭立於路傍

欣遇未曾有

合掌而啓問

羣生皆染著

而有無著容

世間心動搖

而獨靜諸根

光顏如滿月

似味甘露津

容貌大人相

慧力自在王

所作必已辦

爲宗稟何師

答言我無師

無宗無所勝

自悟甚深法

得人所不得

人之所應覺

舉世無覺者

我今悉自覺

是故名正覺

煩惱如怨家

伏以智慧劍

是故世所稱

名之爲最勝

當詣波羅奈

擊甘露法鼓

無慢不存名

亦不求利樂

惟爲宣正法

拔濟苦衆生

以昔發弘誓

度諸未度者

誓果成於今

當遂其本願

富財自供已

不稱名義士

兼利於天下

乃名大丈夫

臨危不濟溺

豈云勇健士

疾病不救療 何名爲良醫 見迷不示路
孰云善導師 如燈照幽冥 無心而自明
如來然慧燈 無諸求欲情 鑽燧必得火
空中風自然 穿地必得水 此皆理自然
一切諸牟尼 成道必伽耶 亦同迦尸國
而轉正法輪 梵志優波迦 嘴呼歎奇特
隨心先所期 從路各分乖 計念未曾有
步步顧踟蹰 如來漸前行 至於迦尸城
其地勝莊嚴 如天帝釋宮 恒河波羅奈
二水雙流間 林木華果茂 禽獸同羣遊
閑寂無喧俗 古仙之所居 如來光照曜
倍增其鮮明 憐陳如族子 次十力迦葉
三名婆瀧波 四阿濕波誓 五名跋陀羅
習苦樂山林 遠見如來至 集坐共議言
瞿曇染世樂 放捨諸苦行 今復還至此
慎勿起奉迎 亦莫禮問訊 供給其所須
已壞本誓故 不應受供養 凡人見來賓
應修先後宜 且爲設牀座 任彼之所安
作此要言已 各各正基坐 如來漸欲至
不覺違約言 有請讓其座 有爲攝衣鉢

有請洗摩足 有請問所須 如是等種種
尊敬奉師事 惟不捨其族 猶稱瞿曇名
世尊告彼言 莫稱我本姓 於阿羅訶所
而生媒慢言 於敬不敬者 我心悉平等
汝等心不恭 當自招其罪 佛能度世間
是故稱爲佛 於一切衆生 等心如子想
而稱本名字 如得慢父罪 佛以大悲心
哀愍而告彼 彼率愚騃心 不信正真覺
言先修苦行 猶尚無所得 今恣身口樂
何因得成佛 如是等疑惑 不信得佛道

究竟真實義 一切智具足 如來卽爲彼
畧說其要道 愚夫習苦行 樂行悅諸根
見彼二差別 斯則爲大過 非是正真道
以違解脫故 痞身修苦行 其心猶馳亂
尚不生世智 況能超諸根 如以水然燈
終無破闇期 疲身修慧燈 不能壞愚癡
朽木而求火 徒勞而不獲 鑽燧人方便
卽得火爲用 水道非苦行 而得甘露法
著欲爲非義 愚癡障慧明 尚不了經論
況得離欲道 如人得重病 食不隨病食

無知之重病 著欲豈能除 放火於曠野
乾草增猛風 惕盛孰能滅 貪愛火亦然
我已離二邊 心存於中道 衆苦畢竟息
安靜離諸過 正見踰日光 平等覺觀乘

正語爲舍宅 遊戲正叢林 正命爲豐姿

方便爲正路 正念爲城郭 正定爲牀座

八道坦平正 免脫生死苦 從此塗出者

所作已究竟 不墮於彼此 二世苦數中

三界純苦聚 唯此道能滅 本所未曾聞

正法清淨眼 等見解脫道 唯我今始起

生老病死苦 愛離怨憎會 所求事不果

及餘種種苦 離欲未離欲 有身及無身

離淨功德者 罥說斯皆苦 猶如盛火息

雖微不捨熱 寂靜微細我 大苦性猶存

貪等諸煩惱 及種種業過 是則爲苦因

捨離則苦滅 猶如諸種子 離於地水等

衆緣不和合 芽葉則不生 有有性相續

從天至惡趣 輪廻而不息 斯由貪欲生

輒中上差降 種種業爲因 若滅於貪等

則無有相續 種種業盡者 差別苦長息

此有則彼有 此滅則彼滅 無生老病死
無地水火風 亦無初中邊 亦非欺詭法
賢聖之所住 無盡之寂滅 所說八正道
是方便非餘 世間所不見 彼彼長迷惑
我知苦斷集 證滅修正道 觀此四真諦
逮成等正覺 謂我已知苦 已斷有漏因
已滅盡作證 已修入正道 已知四真諦
清淨法眼成 於此四真諦 未生平等眼
不名得解脫 不言作已作 亦不言一切
真實知覺成 已知真諦故 自知得解脫

自知作已作 自知等正覺 說是真實時
憍隣族姓子 八萬諸天衆 究竟真實義
遠離諸塵垢 清淨法眼成 天人師知彼
所作事已作 歡喜師子吼 問憍隣知未
憍隣卽白佛 已知大師法 已知彼法故
名阿若憍隣 於佛弟子中 最先第一悟
彼知正法聲 聞子諸地神 咸共舉聲唱
善哉深見法 如來於今日 轉未曾所轉
普爲諸天人 廣開甘露門 淨戒爲衆幅
調伏寂定齊 堅固智爲輜 慚愧屑其錮

正念以爲轂 成真實法輪 正真出三界
不退從明師 如是地神唱 虛空神傳稱

諸天轉讚歎 乃至徹梵天 三界諸天神
始聞大仙說 展轉驚相告 普聞佛興世

廣爲羣生類 轉寂靜法輪 風霽雲霧除
空中雨天華 諸天奏天樂 喜歎未曾有

音釋

搏

防夫切搏桑
日出處也

塞

其矩切貧無禮也

涇

於真切

什

芳遇切僵也

羈

居宜切

轟呼宏切群絳首也

穠

胡郭切刈也

憲

憲力稔切

兜

七廉切

兜

徐姊切似牛

逃他弔切一角獸也

𡇗

刈也

呀

許交切喊也

呀

張口貌

呀

博厄切

皆疾智切目際也

稍

矛不屬

潰

胡對切逃散也

嚙

與觜同切

嚙

啄竹角切

朱惟切鳥鶴也

錐

鑽也

滓

阻吏切濶也

駢

五駢切

駢

間鐵也

也

紹興府山陰縣信官張汝懋男煥董氏法名大
道孫男張震張陞張維佳玄孫張錦施資刻
佛所行讚經第三卷
崇禎十二年四月徑山寂照菴識

佛所行讚經卷第三

佛所行讚經卷第四

馬

鳴

菩

薩

撰

餅沙王諸弟子品第十六

時彼五比丘

阿濕波誓等

聞彼知法聲

慨然而自傷

合掌而加敬

仰瞻於尊顏

如來善方便

次令人正法

前後五比丘

得道調諸根

猶五星麗天

列侍於明月

時彼鳩夷城

長者子耶舍

夜眠忽覺悟

自見其眷屬

男女裸身臥

卽生厭離心

念此煩惱本 託惑於愚夫 嚴服珮瓔珞
出家詣山林 尋路而並唱 惱亂惱亂亂
如來夜經行 聞唱惱亂聲 卽命汝善來
比有安隱處 涅槃極清涼 寂滅離諸惱
耶舍聞佛教 心中大歡喜 乘本狀離心
聖慧冷然開 如入清涼池 肅然至佛所
其身猶俗容 心已得漏盡 宿植善根力
疾成羅漢果 淨智理潛明 聞法能卽悟
猶如鮮素繒 易爲染其色 彼已自覺知
所應作已作 顧身猶莊嚴 而生慚愧心

如來知彼念 而爲說偈言 嚴飾以瓔珞
心調伏諸根 平等觀衆生 行法不計形
身被出家衣 其心累未忘 處林貪世榮
是則爲俗人 形雖表俗儀 心棲高勝境
在家同山林 則離於我所 繩解存於心
形豈有定相 佩甲衣重袍 謂能制強敵
改形著染衣 爲伏煩惱怨 卽命比丘來
應聲俗客變 具足出家儀 皆成於沙門
先有俗遊朋 其數五十四 尋善友出家
隨次入正法 斯由宿善業 妙果成於今

純灰洽已久 經水速鮮明 上行諸聲聞
六十阿羅漢 悉如羅漢法 隨順而教誡
汝今已濟度 生死河彼岸 所作已畢竟
堪受一切供 各應遊諸國 度諸未度者
衆生苦熾然 各無救護者 汝等各獨遊
哀愍而攝受 吾今亦獨行 還彼伽闍山
彼有大仙人 王仙及梵仙 悉皆在於彼
舉世之所宗 迦葉苦行仙 國人悉奉事
受學者甚衆 我今往度之 時六十比丘
奉教廣宣法 各從其宿緣 隨意詣諸方

世尊獨遊步 往詣伽闍山 入空靜法林
詣迦葉仙人 彼有事火窟 惡龍之所居
山林極清曠 處處無不安 世尊爲教化
告彼而請宿 迦葉白佛言 無有宿止處
惟有事火窟 善清淨可居 而有惡龍止
必能傷害人 佛言但見與 且一宿止住
迦葉種種難 心不欲相與 謂我有憚惜
佛卽入火室 端坐正思惟 時惡龍見佛
瞋恚縱毒火 舉室洞熾然 而不觸佛身

舍盡火自滅 世尊猶安坐 猶如劫火起
梵天宮洞然 梵王正其坐 不恐亦不畏
惡龍見世尊 光顏無異相 毒息善心生
稽首而歸依 過葉夜見光 歎嗚呼怪哉
如此道德人 而爲龍火燒 過葉及眷屬
晨朝悉來看 佛已降惡龍 置在於鉢中
彼知佛功德 而生奇特想 嬌慢久習故
猶言我道尊 佛以隨時宜 現種種神變
察其心所念 變化而應之 令彼心柔軟
堪爲正法器 自知其道淺 不及於世尊

決定謙下心 隨順受正法 麗毗羅迦葉
弟子五百人 隨師善調伏 次第受正法
迦葉并徒衆 悉受正化已 仙人資生物
并諸事火具 悉棄於水平 漂沒隨流遷
那提伽闍等 二弟居下流 見被服諸物
隨流而亂下 謂其遭大變 憂怖不自安
二衆五百人 尋江而求兄 見兄已出家
諸弟子亦然 知得未曾法 而起奇特想
兄今已伏道 我等亦當隨 彼兄弟三人
及弟子眷屬 世尊爲說法 卽以事火譬

愚癡黑烟起 亂想鑽燧生 貪欲瞋恚火
焚燒於衆生 如是煩惱火 煙然不休息
彌綸於生死 苦火亦當然 能見二種火
熾然無依怙 云何有心人 而不生貪離
貪離除貪欲 貪盡得解脫 若已得解脫
解脫知見生 觀察生死流 而舉於梵行
一切作已作 更不受後有 如是千比丘
聞世尊說法 諸漏永不起 一切心解脫
佛爲迦葉等 千比丘說法 所作者已作
淨慧妙莊嚴 諸功德眷屬 施戒淨諸根
大德仙從道 苦行林失榮 如人失戒德
空身而徒生 世尊大眷屬 進請王舍城
憶念摩竭王 先所修要誓 世尊旣已至
止住於杖林 餅沙王聞之 與大眷屬俱
舉國士女從 往詣世尊所 遠見如來坐
降心伏諸根 除去諸俗容 下車而步進
猶如天帝釋 往詣梵天王 前頂禮佛足
敬問體安和 佛還慰勞畢 命令一面坐
時王心默念 釋迦大威力 勝德迦葉等
今皆爲弟子 佛知衆心念 而問於迦葉

汝見何福利 而棄事火法 迦葉聞佛命
驚起大衆前 胡跪而合掌 高聲白佛言
修福事火神 果報悉輪迴 生死煩惱增
是故我棄捨 精勤奉事火 爲求五欲境
受欲增無窮 是故我棄捨 事火修呪術
離解脫受生 受生爲苦本 故捨更求安
我本謂苦行 祠祀設大會 爲最第一勝
而更違正道 是故今棄捨 更求勝寂滅
離生老病死 無盡清涼處 以知此義故
放捨事火法 世尊聞迦葉 說自知見事

欲令諸世間 普生淨信心 而告迦葉言
汝大士善來 分別種種法 而從於勝道
今於大衆前 顯汝勝功德 如巨富長者
開現於寶藏 令貧苦衆生 增其厭離心
善哉奉尊教 卽於大衆前 歖身入正受
飄然昇虛空 經行住坐卧 或舉身洞然
左右出水火 不燒亦不濕 從身出雲雨
雷電動天地 舉世悉瞻仰 縱目觀無狀
異口而同音 稱歎未曾有 然後攝神通
敬禮世尊足 佛爲我大師 我爲尊弟子

奉教聞斯行 所作已畢竟 舉世普見彼
迦葉爲弟子 決定知世尊 真實一切智
佛知諸會衆 堪爲受法器 而告餅沙王
汝今善諦聽 心意及諸根 斯皆生滅法
了知生滅過 是則平等觀 如是平等觀
是則爲知身 知身生滅法 無取亦無受
知身諸根覺 無我無我所 純一苦積聚
苦生而苦滅 已知諸身相 無我無我所
是則之第一 無盡清淨處 我見等煩惱
繫縛諸世間 既見無我所 諸縛悉解脫
不實見所縛 見實則解脫 世間攝受或
則爲邪攝受 若彼有我者 或常或無常
生死二邊見 其過最尤甚 若使無常者
修行則無果 亦不受後有 無功而解脫
若使有常者 無死生中間 則應同虛空
無生亦無滅 若使有我者 則應一切同
一切皆有我 無業果自成 若有我作者
不應苦修行 彼有自在主 何須造作爲
若我則有常 理不容變異 見有苦樂相
云何言有常 知生則解脫 遠離諸塵垢

一切悉有常 何用解脫爲 無我不惟言
理實無實性 不見我作事 云何說我作
我旣無所作 亦無作我者 無此二事故
真實無有我 無作者知者 無主而常還
生死日夜流 汝今聽我說 六根六境界
因緣六識生 三事會生觸 心念業隨轉
陽珠遇乾草 緣日火隨生 諸根境界識
士夫生亦然 芽因種子生 種非即是芽
不卽亦不異 衆生生亦然 世尊說真實
平等第一義 王眷屬人民 餅沙王歡喜

離垢法眼生 亦隨離諸塵

大弟子出家品第十七

爾時餅沙王 稽首請世尊 遷住於竹林
哀受故默然 王已見真諦 奉拜而還宮
世尊與大眾 徒居安竹園 爲度衆生故
建立慧燈明 以梵住天住 賢聖住而住
時阿濕波誓 調心御諸根 時至行乞食
入於王舍城 容貌世挺特 威儀諦安諸
城中諸士女 見者莫不歡 行者爲住步

前迎後風馳 迦毗羅仙人 廣度諸弟子
第一勝多聞 其名舍利弗 見比丘庠序
閑雅淨諸根 跛躑而待至 舉手請問言
年少淨容儀 我所未曾見 得何勝妙法
爲宗事何師 師教何所說 穎告決所疑
比丘欣彼問 和顏遜辭答 一切智具足
甘蔗勝族生 天人中最勝 是則我大師
我年旣幼稚 學日又初淺 岂能宣大師
甚深微妙義 今當以淺智 略說師教法
一切有法生 皆從因緣起 生滅法悉滅
說道爲方便 二生優波提 隨聽心內融
遠離諸塵垢 清淨法眼生 先所修決定
知因及無因 一切無所作 皆由自在意天
今聞因緣法 無我智開明 增微諸煩惱
無能寃竟除 惟有如來教 永盡而無遺
非攝受我所 而能離吾我 明因日燈興
孰能令無光 如斷蓮華莖 微絲猶連綿
佛教除煩惱 猶斷石無餘 敬禮比丘足
退辭而還家 比丘乞食已 亦還歸竹園
舍利弗還家 貌色甚和雅 善友尊目連

同體聞才均 遙見舍利弗 顏儀甚熙怡

告言今見汝 而有異常容 素性至沉隱

歡相現於今 必得甘露法 此相非無因

答言如來告 實獲未曾法 卽請而爲說

聞則心開解 諸塵垢亦除 隨生正法眼

久植妙因果 如觀掌中燈 得佛不動信

俱行詣佛所 與徒衆弟子 二百五十人

佛遙見二賢 而告諸衆言 彼來者二人

吾上首弟子 一智慧無雙 二神足第一

以深淨梵音 卽命汝善來 此有清淨法

出家究竟道 手執三奇杖 紫髮持潔餅

聞佛善來聲 卽變成沙門 二師及弟子

悉成比丘儀 稽首世尊足 却坐於一面

隨順爲說法 皆得羅漢道 爾時有二士

迦葉施明燈 多聞身相具 財盈妻極賢

歎捨而出家 志求解脫道 路由多子塔

忽遇釋迦文 光儀顯明耀 猶若祠天幢

肅然舉身敬 稽首頂禮足 尊爲我大師

我是尊弟子 久遠積癡冥 願爲作燈明

佛知彼二士 心樂崇解脫 清淨和軟音

命之以善來聞命心融泰

形神疲勞息

心棲勝解脫寂靜離諸塵

大悲隨所應

畧爲其解說頓解諸深法

成四無礙辯

大德普流聞故名大迦葉

本見身我異

或見我卽身有我及我所

斯見已永除

惟見衆苦聚離苦則無餘

持戒修苦行

非因而見因平等見苦性

永無他取心

若有若見無二見生猶豫平等見真諦

平等見真諦

決定無復疑深著於財色迷醉貪欲生

慈心平等念

無常不淨想貪愛永已垂

慈心平等念

怨親無異想哀愍於一切則銷瞋恚毒

能斷於色愛

依色諸有對種種雜想生思惟壞色想

命亦要之盡

愚於四正受而生解脫想寂滅離諸想

無色貪永除

動亂心變逆猶狂風鼓浪

深入堅固定寂止掉亂心觀法無我所

生滅不堅固不見輒中上我慢心自忘

熾然智慧燈離諸癡冥闇見盡無盡法

無明悉無餘思惟十功德十種煩惱滅蘇息作已作深感仰尊顏離三而得三

東京大学総合図書館所蔵

三弟子除三 猶三星列布 於三十三天

列侍於三五 三侍佛亦然

化給孤獨品第十八

時有大長者 名曰給孤獨 巨富財無量

廣施濟貧乏

遠從於北方

憍薩羅國來

止一知識舍

主人名首羅

聞佛興於世

近住於竹林

承名重其德

卽夜請彼林

如來已知彼

根熟淨信生

隨宜稱其實

而爲說法言

汝已樂正法

淨信心虛渴

能滅於睡眠

而來敬禮我

今日當爲汝

具設初賓儀

汝宿植德本

堅固淨希望

聞佛名歡喜

堪爲正法器

虛懷廣行惠

周給於貧窮

名德普流聞

果成由宿因

今當行法施

至心精誠施

時施寂靜施

兼受持淨戒

戒爲莊嚴具

能轉於惡趣

令人上昇天

報以天五樂

諸求爲大苦

愛欲集諸過

當修遠離德

離欲寂靜樂

知老病死苦

世間之大患

正觀察世間

難生老病死

旣見於人間

有老病死苦

生天亦復然

無有常存者

無常則是苦

苦則無有我 無常苦非我 何有我我所
知苦卽是苦 集者則爲集 苦滅卽寂靜
道卽安隱處 羣生流動性 當知是苦本
獸末塞其源 不願有非有 生老死盛火
世間普熾然 見生死動搖 當習於無想
三摩提究竟 甘露寂靜處 空無我我所
世間悉如幻 當觀於此身 諸大衆行聚
長者聞說法 卽得於初果 生死海銷滅
惟有一滴餘 空閑修離欲 第一有無身
不如今俗人 見諦真解脫 不離諸行苦
種種異見網 雖至第一有 不見真實義
邪想著天福 有愛縛轉深 長者聞說法
陰蓋煥然開 遂得於正見 諸邪見永除
猶如秋厲風 飄散於重雲 不計自在因
亦非邪因生 亦復非無因 而生於世間
若自在天生 無長幼先後 亦無五道輪
生者不應滅 亦不應災患 爲惡亦非過
淨與不淨業 斯由自在天 若自在天生
世間不應疑 如子從父生 孰不識其尊
人遭窮苦時 不應反怨天 悉應宗自在

不應奉餘神 自在是作者 不應名自在
以其是作故 彼則應常作 常作則自勞
何名爲自在 若無心而作 如嬰兒所爲
常有心而作 有心非自在 苦樂由衆生
則非自在作 自在生苦樂 彼應有愛憎
已有愛憎故 不應稱自在 若復自在作
衆生應默然 任彼自在力 何用修善爲
正復修善惡 不應有業報 自在若業生
一切則共業 若是共業者 皆應稱自在
自在若無因 一切亦應無 若因餘自在

自在應無第 是故諸衆生 悉無有作者
當知自在義 於此論則壞 一切義相違
無說則有過 若復自性生 其過亦如彼
諸明因論者 未曾如是說 無所依無因
而能有所作 彼彼皆由因 猶如依種子
是故知一切 則非自性生 一切諸所作
非惟一因生 而說一自性 是故則非因
若言彼自性 周滿一切處 若周滿一切
亦無能所作 旣無能所作 是則非爲因
若偏一切處 一切有作者 是則一切時

常應有所作 若言常作者 無待時生物
是故應當知 非自性爲因 又說彼自性
離一切求那 一切所作事 亦應離求那
一切諸世間 悉見有求那 是故知自性
亦復非爲因 若說彼自性 異於求那者
以常爲因故 其性不應異 衆生求那異
故自性非因 自性若常者 事亦不應壞
以自性爲因 因果理應同 世間見壞故
當知彼有因 若彼自性因 不應求解脫
以有自性故 應任彼生滅 假令得解脫
自性還生縛 若自性不見 爲見法因者
此亦非爲因 因果理殊故 世間諸見事
因果悉俱見 若自性無心 不應有心因
如見烟知火 因果類相求 非彼因不見
而生於見事 猶金造器服 始終不離金
自性是事因 始終豈得殊 若使時作者
不應求解脫 以彼時常故 應任彼時節
世間無有邊 時節亦復然 是故修行者
不應方便求 陀羅驃求那 世間一異論
雖有種種說 當知非一因 若說我作者

應隨欲而生 而今不隨欲 云何說我作
不欲而更得 欲者反更違 苦樂不自在
云何言我作 若使我作者 應無惡趣業
種種業果生 故知非我作 言我隨時作
時應惟作善 善惡隨緣生 故知非我作
若使無因作 不應修方便 一切自然定
修因何所爲 世間種種業 而獲種種果
是故知一切 非爲無因作 有心及無心
悉從因緣起 世間一切法 非無因生者
長者心開解 通達勝妙義 一相實智生

決定了真諦 敬禮世尊足 合掌而啓請
居在舍婆提 土地豐安樂 波斯匿大王

師子元族胄 福德名稱流 遠近所宗敬
欲造立精舍 惟願哀愍受 知佛心平等
所居不求安 懈彼衆生故 不違我所請
佛知長者心 大施發于今 無染無所著
善護衆生心 汝已見真諦 素心好行施
錢財非常寶 宜應速爲施 如庫藏被燒
已出者爲珍 明人知無常 出財廣行惠
慳貪者守惜 恐盡不受用 亦不畏無常

徒失增憂悔 應時應器施 如健夫臨敵
能施而能戰 是則勇慧士 施者衆所愛
善稱廣流聞 美善樂爲友 命終心常歡
無悔亦無怖 不生餓鬼趣 此則爲華報
其果難思議 輪迴六趣中 良伴無過施
若生天人中 爲衆所奉事 生於畜生道
施報隨受樂 智慧修寂定 無依無有數
雖獲甘露道 猶資施以成 緣彼惠施故
修八大人念 隨念歡喜心 決定三摩提
三昧增智慧 能正觀生滅 正觀生滅已

次第得解脫 捨財惠施者 獄除於貪著
慈悲恭敬與 兼除嫉恚慢 明見惠施果
無施癡見除 諸結煩惱滅 斯由於惠施
當知惠施者 則爲解脫因 猶如人種栽
爲蔭華果故 布施亦如是 報樂大涅槃
不堅固財施 獲報堅固果 施食惟得力
施衣得好色 若建立精舍 衆果具足成
或施求五欲 或貪求大財 或爲名聞施
有求生天樂 或爲免貧苦 惟汝無想施
施中之最上 無利而不獲 汝心有所弘

宜令速成就

癡愛心來遊

清淨眼開還

長者受佛教

惠心轉增明

請優波提舍

賢友而同歸

還彼僑薩羅

周行擇良墟

見太子祇園

林流極清閑

往詣太子所

請求買其田

太子甚寶惜

元無出賣心

設布黃金滿

猶尚地不遷

長者心歡喜

卽徧布黃金

祇言我不與

汝云何布金

長者言不與

何言滿黃金

二人共諍訟

延及斷事官

衆皆歎奇特

祇亦知其誠

廣問其因緣

辭言立精舍

供養於如來

并及比丘僧

太子聞佛名

其心卽開悟

惟取其半金

求和同建立

汝地我樹林

共以供養佛

長者地祇林

以付舍利弗

經始立精舍

晝夜勤速成

高顯勝莊嚴

猶四大天王宮

隨法順道宜

稱如來所應

世間未曾有

增輝舍衛城

如來現神蔭

衆聖集安居

無侍者哀降

有侍資道宜

長者乘斯福

壽盡上昇天

子孫繼基業

歷世種福田

出處五山文

卷之三

父子相見品第十九

佛於摩竭國 化種種異道 悉從一味法
如日映衆星 出彼五山城 與千弟子俱
前後眷屬從 往諸尼金山 近迦維羅衛
而生報恩心 當修法供養 以奉於父王
王師及大臣 先遣伺候人 當尋從左右
瞻察其進止 知佛欲還國 驅馳而先白
太子遠遊學 願滿今來還 王聞大歡喜
嚴駕卽出迎 舉國諸士庶 悉皆從王行
漸近遙見佛 光相倍昔容 處於大衆中
猶如梵天王 下車而徐進 恐爲法留難
瞻顏內欣踴 口莫知所言 顧貪居俗累
子超然登仙 雖子居道尊 未知稱何名
自惟久思渴 今日無由宣 子今默然坐
安隱不改容 久別無感情 令我心獨悲
如人久虛渴 路逢清冷泉 奔馳而欲飲
臨泉忽枯竭 今我見其子 猶是本先顏
心疎氣高絕 都無蔭流心 抑情虛妄斷
如渴對枯泉 未見繁想馳 對目則無歡
如人念離親 忽見畫形像 應王四天下
猶若曼陀王 汝今行乞食 斯道何足榮

安靜如須彌 光相如日明 詳行牛王步
無畏師子吼 不受四天封 乞食而養身
佛知父王心 猶存於子想 爲開其心故
并哀一切衆 神足昇虛空 兩手捧日月
遊行於空中 作種種變異 或分身無量
還復合爲一 或履水如地 或入地如水
石壁不礙身 左右出水火 父王大歡喜
父子情悉除 空中蓮華坐 而爲王說法
知王心慈念 爲子增憂悲 纏綿愛念子
宜應速除滅 息愛靜其心 受我子養法
人子所未奉 今以奉父王 父未從子得
今從子得之 人王之奇特 天王亦希有
勝妙甘露道 今以奉大王 自業業受生
業依業果報 當知業因果 勤習度世業
諦觀於世間 惟業爲良朋 親戚及與身
深愛相戀慕 命絕神獨往 惟業良友隨
輪迴於五趣 三業三種生 愛欲爲其因
種種類差別 今當竭其力 淨修身口業
晝夜勤修習 息亂心寂然 惟此爲已利
離此悉非我 當知三界有 猶如海濤波

難樂難習近 當修第四業 生死五道輪
猶衆星旋轉 諸天亦遷變 人中豈得常
涅槃爲最安 禪寂樂中勝 人王五欲樂
危險多恐怖 猶毒蛇同居 恐畏無暫安
明人見世間 如盛火圍繞 慧者之所居
永離生老死 無盡寂靜處
不須利器仗 象馬以車兵 調伏貪恚癡
天下敵無餘 知苦斷苦因 證滅修方便
正覺四真諦 惡趣恐怖除 先現妙神通
令王心歡喜 信樂情已深 堪爲正法器
合掌而讚歎 奇哉誓果成 奇哉大苦離
奇哉饒益我 先雖增憂悲 緣悲故獲利
奇哉我今日 生子果報成 宜捨勝妙樂
宜精勤習苦 宜離親族榮 宜割恩愛情
古昔諸仙王 唐苦而無功 清淨安隱處
汝今悉已獲 自安而安彼 大悲濟衆生
若本住世間 爲轉輪王者 無自在神通
令我心開解 亦無此妙法 使我今日歡
設爲轉輪王 生死緒不絕 今已免生死
輪迴大苦滅 能爲衆生類 廣說甘露法

如此妙神通 智慧甚深廣 永滅生死苦
爲天人之上 雖居聖王位 終不獲斯利
如是讚歎已 法愛增恭敬 居王父尊位
謙卑稽首禮 國中諸人民 觀佛神通力
聞說深妙法 兼見王敬重 合掌頭面禮
悉生奇特想 猥患居俗累 咸生出家心
釋種諸王子 心悟道果成 悉願世榮樂
捨親愛出家 阿難陀難陀 金毗阿那律
難陀跋難陀 及軍荼陀那 如是等上首
及餘釋種子 悉從於佛教 受法爲弟子
匡國大臣子 優陀夷爲首 與諸王子俱
隨次而出家 又阿低黎子 名曰優波離
見彼諸王子 大臣子出家 心感情開解
亦受出家法 父王見其子 神力諸功德
自亦入清流 甘露正法門 捨王位國土
禪定甘露飯 閑居修靜默 處官習王仙
如來悉隨攝 本族知識已 道申顏和悅
親戚歡喜隨 時至應乞食 入迦維羅國
城中諸士女 驚起舉聲唱 悉達阿羅陀
學道成而歸 內外轉相告 巨細馳出看

門戶窓牖中	比肩而側目	見佛身相好
光明甚暉曜	外著袈裟衣	身光內徹照
猶如日圓輪		內外相映發
合掌涕淚流	見佛庠序步	觀者心悲喜
妙身顯法義	驚惜增悲歎	
身被染色衣	剃髮毀形好	
應戴羽葆蓋	堂堂儀雅容	
執鉢而行乞	束身視地行	
華服冠天冠	手攬飛龍轡	
拘心制其形	如何冒遊塵	
見何相何求	藝足伏怨敵	
舉世五欲怨	貌足娛女歡	
樂獨而孤遊	捨賢妻愛子	
竟見此子不	難哉彼賢妃	
而今聞出家	性命猶能全	
怨家猶痛惜	不審淨飯王	
泣涕常悲戀	見其妙相身	
諸明相法者	父見豈能安	
應享食四海	愛子羅暎羅	
如是比衆多	見無撫慰心	
無欣亦無感	用學此道爲	
	咸言太子生	
	具足大人相	
	斯則皆虛談	
	如來心無著	

增長彼善根 幷爲當來世 顯其少欲跡

兼除俗塵霧 入貧里乞食 精麤任所得

巨細不擇門 滿鉢歸山林

受祇洹精舍品第二十

世尊已開化 迦維羅衛人 隨緣度已畢

與大衆俱行 往憍薩羅國 詣波斯匿王

祇洹已莊嚴 堂舍悉周備 流泉相灌注

華果悉敷榮 水陸衆奇鳥 隨類羣和鳴

衆美世無比 若稽羅山宮 給孤獨長者

眷屬尋路迎 散華燒名香 奉請入祇洹

手執金龍餅 躬跪注長水 以祇洹精舍

奉施十方僧 世尊呢願受 鎮國令久安

給孤獨長者 福慶流無窮 時波斯匿王

聞世尊已至 嚴駕出祇洹 敬禮世尊足

却坐於一面 合掌白佛言 不罰卑小國

忽成大吉祥 惡逆多災害 豈能惑大人

今得覩聖顏 沐浴飲清化 鄙雖處凡品

蒙聖入勝流 如風拂香林 氣合成重飈

衆鳥集須彌 異色齊金光 得與明人會

蒙蔭而同榮 野夫供仙人 生爲三足星

世利皆有盡 聖利永無窮 人王多愆咎
遇聖利常安 佛知王心至 樂法如帝釋
唯有二種著 不能忘財色 知時知心行
而爲王說法 惡業卑下士 見善猶知敬
況復自在王 積德乘宿因 遇佛加恭敬
此乃非爲難 國素靜民安 非見佛所增
今當畧說法 大王且諦聽 受持我所說
見我功德成 命終形神乖 親戚悉別離
惟有善惡業 始終而影隨 當崇法王業
子養於萬民 現世名稱流 命終上昇天

一縱清不順法 今苦後無歡 古昔羸馬王
順法受天福 金步王行惡 壽終生惡道
我今爲大王 畧說善惡法 大要當慈心
觀民猶一子 不迫亦不害 善攝持諸根
捨邪就正路 不自舉下人 結友於苦行
勿習邪見朋 勿恃王威勢 勿聽邪佞言
勿憐諸苦行 莫踰王正典 忌佛唯正法
調伏非法者 現爲人中上 德惟隆道申
深思無常想 身命念念遷 棲心高勝境
志求清淨信 保茲自在樂 來世增其歡

傳名於曠劫 必報如來恩 如人愛甜果
必種其良栽 有從明入闇 有從闇入明
有闇闇相續 有明明相因 智者捨三品
當學始終明 言惡羣響應 善唱隨者難
無有不作果 作者不敗亡 創業不勤習
至竟莫能爲 素不修善因 後致樂無期
既往無息期 是故當修善 自省不爲惡
自作自受故 猶四石山合 衆生無逃處
生老病死山 羣生脫無由 惟有行正法
出斯苦重山 世間悉無常 五欲境如電
老死錐鋒端 何應習非法 古昔諸勝王
猶若自在天 勇健志勝虛 暫顯已磨滅
劫火鎔須彌 海水悉枯竭 況身如泡沫
而望久在世 猛風止旋嵐 日光翳須彌
盛火水所銷 有物悉歸滅 此身無常器
長夜苦守護 廣資以財色 放逸而憍慢
死時忽然至 挺直如枯木 明人見斯變
勤修豈睡眠 生死獨搖機 不止會墮落
不習不續樂 苦報者不爲 不近不勝友
不學不斷習 學不受有智 受必令無身

有身不染境 染境爲大過 雖生無色天
不免時遷變 當學不變身 不變則無過
以有此身故 爲衆苦之本 是故諸智者
息本於無身 一切衆生類 斯由欲生苦
是故於欲有 當生厭離心 厥離於欲有
則不受衆苦 雖生色無色 變易爲大患
以不寂靜故 況不離於欲 如是觀三界
無常無有生 衆苦常熾然 智者豈願樂
如樹盛火然 衆鳥豈羣集 覺者爲明士
離此則無明 此則開覺士 離此則非覺
此則應所作 離此則不應 此則爲近宗
離此與理乖 言此殊勝法 非在家所應
此則爲非說 法惟在人弘 患熱入冷水
一切得清涼 寅室燈火明 悉覩於五色
修道亦如是 道俗無異方 或山居墮罪
或在家昇仙 癡冥爲巨海 邪見爲濤波
羣生隨愛流 漂轉莫能渡 智慧爲輕舟
堅持三昧正 方便鼓念懺 能濟無知海
時王專心聽 一切智所說 厥薄於俗榮
知王者無歡 如逸醉狂象 醉醒純熟還

時有諸外道 見王信敬佛

咸求於大王

與佛決神通 時王白世尊

願從彼所求

佛卽默然許 種種諸異見

五通神仙士

悉來詣佛所 佛卽現神力

正基坐空中

普放大光明 如日暉朝陽

外道悉降伏

國民普歸宗 爲母說法故

卽昇忉利天

三月處天宮 普化諸天人

度母報恩畢

安居時過還 諸天衆羽從

乘於七寶階

下至闍浮提 諸佛常下處

無量諸天人

乘宮殿隨送 闍浮提居民

合掌而仰瞻

守財醉象調伏品第二十一

天上教化母 及餘諸天衆 還遊於人中

隨緣而行化 樹提迦耆婆 首羅輸盧那

長者子央伽 及無畏王子 尼瞿曇陀等

尸利掘多迦 尼捷優波離 悉令得解脫

乾陀羅國王 其名弗迦羅 聞說深妙法

捨國而出家 醪芨鉢低鬼 及婆多耆利

於毗富羅山 調伏而受化 波羅延梵志

波沙那山中 半偈微細義 調伏令信樂

他那摩帝村 有鳩吒檀陀 是二生之首

廣設生祠祀 如來方便化 令其入正道
於毗提訶山 大威德天神 名般遮尸咅
受法入決定 毗紐瑟吒村 化彼難陀母
央伽富黎城 降伏大力神 富那跋陀羅
輸屢那檀陀 免惡大力龍 國王及後宮
皆悉受正法 以開甘露門 於彼悅柄村
稽那及尸盧 志求生天樂 於彼修侔村
央瞿利摩羅 於彼修侔村 為現神通力
化令卽調伏 有大長者子 化令入正道
大富多財錢 如富那跋陀 即於如來前
受化廣行施 於彼跋提村 化彼跋提黎
及與跋陀羅 兄弟二鬼神 毗提訶富黎
有二婆羅門 一名爲大壽 二名曰梵壽
論義以降伏 令入於正法 至毗舍離城
化諸羅刹鬼 幷離車師子 及諸離車衆
薩遮尼乾子 悉令入正法 阿摩勒迦波
有鬼跋陀羅 及跋陀羅迦 跋陀羅劫摩
又至阿臘山 度鬼阿臘婆 二名鳩摩羅
三訶悉多迦 還至迦闍山 度鬼洹迦那
及針毛夜叉 及其姊妹子 又至波羅奈

化彼迦旃延 然後乘神通
化彼諸商人 多波犍尼劔 受其旃檀堂
妙香流於今
牟尼住於彼 足蹈於石上 千輻雙輪現
終則不磨滅
至摩醯波低 度迦毗羅仙
至摩偷羅國 度鬼竭曇摩
度賴吒波羅 度薩毗薩深 亦復化於彼
迦利摩沙村
阿耆尼毘舍 復還舍衛國 度彼瞿曇摩
闍帝輸盧那 道迦阿低黎
度外道之師 弗迦羅婆黎 及諸梵志衆
至施多毗迦 寂靜空閑處
令人佛仙路 度諸鬼龍衆
至金毗羅國 度二惡龍王 一名金毗羅
二名迦羅迦 又至跋致國 化度夜叉鬼
其名曰毗沙 那鳩羅父母 幷及大長者
令信樂正法
至拘睺彌國 化度瞿師羅
及二優婆夷 波闍鬱多羅 伴等優婆夷
衆多次第度
至健陀羅國 度阿婆羅龍
如是等次第 空行水陸性 皆悉往化度

如日照幽冥 爾時提婆達

見佛德殊勝

內心懷嫉妒 退失諸禪定

造諸惡方便

破壞正法僧 登耆闍崛山

崩石以打佛

石分爲二分 墮於佛左右

於王平直路

放狂醉惡象 逸越如暴風

鼻牙尾四足

觸則莫不摧 王舍城巷路

勇氣奮成雲

橫屍而布路 體腦血流離

一切諸士女

恐怖不出門 合城悉戰悚

但聞驚喚聲

有出城馳走 有窟穴自藏

如來衆五百

時至而入城 高閣窻牖人 啓佛令勿行

如來心安泰 怡然無懼容

慈心欲令安 惟念貪嫉苦

天龍衆營從 漸至狂象所

諸比丘逃避 惟與阿難俱

猶法種種相

一自性不移 見佛心卽醒

投身禮佛足 猶如太山崩

如月照烏雲 跪伏佛足下

而爲說法言

象莫害大龍 象與龍戰難

象欲害大龍

終不生善趣 貪恚癡迷醉

難降佛已降

是故汝今日 當捨貪恚癡

已沒苦淤泥

不捨轉更增 彼象聞佛說 醉解心卽悟

身心得安樂 如渴飲甘露 象已受佛化

國人悉歡喜 咸歎唱希有 設種種供養

下善轉成中 中善進增上 不信者生信

已信者深固 阿闍世大王 見佛降醉象

心生奇特想 歡喜倍增敬 如來善方便

現種種神力 調伏諸衆生 隨力入正法

舉國修善業 猶如劫初人 彼提婆達兜

爲惡自纏縛 先神力飛行 今墮無擇獄

卷摩羅女見佛品第二十二

世尊廣化畢 而生涅槃心 發於王舍城

詣巴連弗邑 到已住於彼 婆吒利支提

彼是摩竭提 邊邑附庸國 主國婆羅門

多聞明經典 賞相土安危 國之仰觀師

摩竭王遣使 勅告彼仰觀 命起於牢城

以備於強隣 世尊記彼地 天神所保持

於中起城郭 永固無危亡 仰觀心歡喜

供養佛法僧 佛出彼城門 往詣恒河濱

仰觀深敬佛 名爲瞿曇門 恒河側人民

皆出迎世尊 與種種供養 各嚴船令渡

世尊以船多偏受違衆心 卽以神通力
隱身及大衆 忽從此岸沒 而出於彼岸
以乘智慧船 廣濟於衆生 縁斯德力故
濟河不憑舟 恒河側人民 同聲唱奇特
咸言名此津 名爲瞿曇津 城門瞿曇門
津名瞿曇津 斯名流於世 歷代共稱傳
如來復前行 至彼鳩黎村 說法多所化
復至那提村 人民多疫死 親戚悉來問
諸親疫死者 命終生何所 佛善知業報
悉隨問記說 前至鞞舍離 住於菴羅林
彼菴摩羅女 承佛詣其園 待女衆隨從
庠序出奉迎 善執諸情根 身服輕素衣
捨離莊嚴服 息沐浴香華 猶世貞賢女
潔素以祠天 端正妙容姿 猶天玉女形
佛遙見女來 告諸比丘衆 此女極端正
能留行者情 汝等當正念 以慧鎮其心
寧在暴虎口 在夫利劔下 不於女人所
而起愛欲情 女人顯姿態 若行住坐卧
乃至畫像形 悉表妖冶容 劫奪人善心
如何不自防 見啼笑喜怒 縱體而垂肩

或散髮誓傾
猶尚亂人心
況復飾容儀
以顯妙姿顏
莊嚴隱陋形
誘誑於愚夫
迷亂生惡想
不覺醜穢形
當觀無常苦
不淨無我所
諦見其真實
滅除貪欲想
正觀於自境
天女尚不樂
況復人間欲
而能留人心
當執精進弓
智慧鋒利箭
被正念重鎧
決戰於五欲
寧以熱鐵槍
貫徹於雙目
不以愛欲心
而觀於女色
愛欲迷其心
眩惑於女色
亂想而命終
必墮三惡道
畏彼惡道苦
不受女人欺
根不繫境界
境界不繫根
於寧貪欲想
由根繫境界
猶如一耕牛
根境亦亦然
是故當制心
牛不轉相縛
勿令其放逸
佛爲詣比丘
彼毒摩羅女
禪定靜思惟
念佛大悲心
端正心歛儀容
正素妖冶情
恭形心純備
稽首接足禮
世尊命令坐
汝心已純靜
表徹外德容
壯年豐財寶
備德兼姿顏
能信樂正法
是則世之難

丈夫宿智慧

樂法非爲奇

女人情志弱

智淺愛欲深

而能樂正法

此亦爲甚難

人生於世間

惟應法自娛

財色非常保

惟正法爲珍

強梁病所壞

少壯老所遷

命爲死所困

行法無能侵

所愛莫不離

不愛而強隣

所求不隨意

惟法爲從心

他力爲大苦

自在力爲歡

女人悉由他

兼懷他子苦

是故當思惟

厭離於女身

彼菴摩羅女

聞法心歡喜

堅固智增明

能斷於愛欲

卽自厭女身

不染於境界

雖恥於陋形

法力勸其心

稽首而白佛

已蒙尊攝受

哀受明供養

令滿其志願

佛知彼誠心

兼利諸羣生

默然受其請

令卽隨歡喜

親聽轉增明

作禮而還家

佛所行讚經卷第四

音釋

蹠 暈 召

蹠 甲遙切 嵐 蘆舍切 檻 音接短
旋風也 嶺山氣也 檻 槟也

櫛 如之切
櫛 木名也

颶 颶

颶 戶盲切 颶 于筆 焚絹切

颶 暴風也 眇 憾亂也

道孫男張震張陞張維佳玄孫張錦捐資刻此
紹興府山陰縣信官張汝懋男婦董氏法名大
佛所行讚經卷第四禱保吉祥如意者
崇禎十二年三月徑山寂照菴識

音學

佛說音讚經卷第四

今啓寶林喜

縣崇禪

卦數而纂采

帶映妙境山

樂林音鑒主

想觀文其韻

日崇尊顯入

東安明昇養

令諭其法則

繼深外研洪

未代傳其心

盡首而白惟

佛所讚經卷第五

馬鳴菩薩撰

菩薩

撰

北涼天竺三藏曇無識譯

神力住壽品第二十三

爾時釋迦離

諸離車長者

聞世尊入國

住菴摩羅園

有乘素車輿

素蓋素衣服

青赤黃綠色

其衆各異儀

羽從前後導

爭塗競路前

天冠袞華服

寶飾以莊嚴

威容盛明曜

增暉彼園林

除捨五威儀

下車而步進

息慢而形恭

頂禮於佛足

大衆圍繞佛 如日重輪光 離車名師子
爲諸離車長 德貌如師子 位居師子目
滅除師子慢 受誨釋師子 汝等大威德
名族美色容 能除世憍慢 受法以增明
財色香華飾 不如戒莊嚴 國土豐安樂
惟以汝等榮 榮身而安民 在於調御心
加以樂法情 令德轉崇高 非薄土羣類
而能集衆賢 當日新其德 撫養於萬民
導衆以明正 如牛王涉津 若人能自念
今世及後世 惟當修正戒 福利二世安

爲衆所敬重 名稱普流聞 仁者樂爲友
德流永無疆 山林寶玉石 皆依地而生
戒德亦如地 衆善之所由 無翅欲騰虛
度河無良舟 人而無戒德 濟苦爲實難
如樹美華果 針刺難可攀 多聞美色力
破戒者亦然 端坐勝堂閣 王心自莊嚴
淨戒功德見 隨大仙而化 漆衣服毛羽
螺髻剃鬚髮 不修於戒德 方涉衆苦難
日夜三沐浴 奉火修苦行 遺身穢野獸
赴水火投巖 食果餌草根 吸風飲恒水

服氣以絕糧 遠離於正戒 習斯僉獸道
非爲正法器 毀戒招誹謗 仁者所不親
心常懷恐怖 惡名而影隨 現世無利益
後世豈獲安 是故智慧士 當修於淨戒
於生死曠野 戒爲善導師 持戒由自力
此則不爲難 淨戒爲梯陞 令人上昇天
建立淨戒者 斯由煩惱微 諸過壞其心
喪失善功德 先當離我所 我所覆諸善
猶灰覆火上 足蹈而覺燒 憐慢覆其心
如日隱重雲 慢怠滅慚愧 憂悲弱強志

老病壞壯容 我慢滅諸善 諸天阿修羅
貪嫉興諍訟 喪失諸功德 悉由我慢壞
我於勝中勝 我得勝者同 我於勝小劣
斯則爲愚夫 色族悉非常 動搖不暫安
終爲磨滅法 何用憍慢爲 貪欲爲巨患
詐親而密怨 猛火從內發 貪火亦復然
貪欲之熾然 甚於世間火 火盛水能滅
貪愛難可銷 猛火焚曠野 草盡還復生
貪欲火焚心 正法生則難 貪欲求世樂
樂增不淨業 惡業墮惡道 惡無過貪欲

貪則生於愛 愛則習諸欲 習欲招衆苦
尤惡無過貪 貪則爲大病 智藥愚夫止
邪覺不正思 能令貪欲增 無常苦不淨
無我無我所 智慧真實觀 能滅彼邪貪
是故於境界 當修真實觀 真實觀已生
貪欲得解脫 見德生貪欲 見過起瞋恚
德過二俱亡 貪恚得除滅 瞋恚改素容
能壞端正色 瞳恚翳明目 害法義欲聞
斷絕親愛義 爲世所輕賤 是故當捨恚
勿隨於瞋心 能制狂恚心 是名善御者

世稱善調馴 是爲攝繩客 縱恚不息焚
憂悔火隨燒 若人起瞋恚 先自燒其心
然後加於風 或燒或不燒 生老病死苦
逼迫於衆生 復加於恚害 多怨復增怨
見世衆苦迫 應起慈悲心 衆生起煩惱
增微無量差 如來善方便 隨病而畧說
譬如世良醫 隨病而投藥 爾時諸離車
聞佛所說法 卽起禮佛足 歡喜而頂受
請佛及大眾 明日設薄供 佛告諸離車
菴摩羅已請 離車懷感愧 彼何奪我利

知佛心平等 而復隨喜心 如來善隨宜
安慰令心悅 伏化純熟歸 如蛇被嚴呪
夜過明相生 佛與大衆俱 詣菴摩羅舍
受彼供養畢 往詣毘紐村 於彼夏安居
三月安居竟 復還鞞舍離 住獮猴池側
坐於林樹間 普放大光明 以感魔波旬
來詣於佛所 合掌勸請言 昔尼連禪側
已發真實要 我所作事畢 當入於涅槃
今所作已作 當遂於本心 時佛告波旬
減度時不遠 却後三月滿 當入於涅槃

時魔知如來 減度已有期 情願既已滿
歡喜還天宮 如來坐樹下 正受三摩提
放捨業報壽 神力住命存 以如來捨壽
大地皆震動 十方虛空境 周徧大火然
須彌頂崩頽 天雨飛礫石 狂風四激起
樹木悉摧折 天樂發哀聲 天人心忘歡
佛從三昧起 普告諸衆生 我今已捨壽
三昧力存身 身如朽敗車 無復往來因
已脫於三有 如鳥破卵生

離車辭別品第二十四

尊者阿難陀 見地普大動 心驚身毛豎
問佛何因緣 佛告阿難陀 我住三月壽
餘命行悉捨 是故地大動 阿難聞佛教
悲感淚交流 猶如大力象 搖彼栴檀樹
擾動理追迹 香汁淚流下 親重大師尊
恩深未離欲 惟此四事故 悲苦不自勝
今我聞世尊 涟槃決定教 舉體悉萎銷
逃方失常領 所聞法悉忘 荒悖忘天地
怪哉救世主 減度一何駛 遭寒冰垂死
遇火忽復滅 於煩惱曠野 逃亂失其方

忽遇善導師 未度忽復失 如人涉長塗
熱竭久乏水 忽遇清涼池 奔趣悉枯竭
紺曉瞪晴目 明鑒於三世 智慧照幽冥
昏冥一何速 猶如旱地苗 雲興仰希雨
暴風雲速滅 望絕守空田 無智大閻冥
羣生悉逃方 如來然慧燈 忽滅何由出
佛聞阿難說 酸訴情悲切 輓語安慰言
爲說真實法 若人知自性 不應處憂悲
一切諸有爲 悉皆磨滅法 我已爲汝說
合會性別離 恩愛理不常 當捨悲戀心

有爲流動法 生滅不自存 欲令長存者
終無有是處 有爲若常存 無有遷變者
此則爲解脫 於何而更求
今於我何求 汝等所應得 我已爲說竟
何用我此身 妙法身長存 我住我寂靜
所要唯在此 然我於衆生 未曾有師拳
當修貳離想 善住於自洲 當知自洲者
專精勤方便 獨靜修閑居 不從於他信
當知法洲者 決定明慧燈 能滅除癡闇
觀察四境界 賈得於勝法 離我離我所

骨竿皮肉塗 血澆以筋纏 諦觀悉不淨
云何樂此身 諸受從緣生 猶如水上泡
生滅無常苦 遠離於樂想 心識生住滅
新新不暫停 思惟於寂滅 常想永已乖
衆行因緣起 聚散不常俱 愚癡生我想
慧者無我所 於此四境界 思惟正觀察
此則一乘道 衆苦悉皆滅 若能住於此
真實正觀者 佛身之存亡 此法常無盡
佛說此妙法 安慰阿難時 諸離車聞之
惶怖咸來集 悉捨俗威儀 驅馳至佛所

禮畢一面坐 欲問不能宣 佛已知其心
逆爲方便說 我今觀察汝 心有異常想
放捨俗緣務 惟念法爲情 汝今欲從我
所聞所知者 於我存亡際 慎莫生憂悲
無常有爲性 躍動變易法 不堅非利益
無有久住相 古昔諸仙王 婆私吒仙等
曼陀轉輪王 其比亦衆多 如是諸先勝
力如自在天 悉已久磨滅 無一存于今
日月天帝釋 其數亦甚衆 悉皆歸磨滅
無有長存者 過去世諸佛 數如恒邊沙

智慧照世間 悉皆如燈滅 未來世諸佛
將滅亦復然 今我豈獨異 當入於涅槃
彼有應度者 今宜進前行 凶舍離快樂
汝等且自安 世間無依怙 三界不足歡
當止憂悲苦 而生離欲心 決斷長別已
而遊於北方 摩摩跋長路 如日傍西山
爾時諸離車 悲吟逐路隨 仰天而哀歎
嗚呼何怪哉 形如真金山 衆相具莊嚴
不久將崩壞 無常何無慈 生死久虛竭
如來智慧母 而今頻放捨 無救苦奈何

衆生久闇冥 假明慧以行 如何智慧日
忽然而潛光 無知爲迅流 漂浪諸衆生
如何法橋梁 一旦忽然摧 慈悲大醫王
無上智良藥 療治衆生苦 如何忽遠逝
慈悲妙天幢 智慧以莊嚴 金剛心絞絡
世間觀無狀 祠祀嚴勝幢 云何一旦崩
衆生何薄福 輪迴生死流 解脫門忽閉
長苦無出期 如來善安慰 割情而長辭
制心忍悲戀 如萎迦尼華 徘徊而遲遲
悵快隨路行 如人喪其親 弔畢長訣還

般涅槃品第二十五

佛至涅槃處 輯舍離空虛 猶如夜雲冥
星月失光明 國土先安樂 而今頃凋悴
猶如喪慈父 孤女常獨悲 如端正無聞
聰明而薄福 心辯而口吃 明慧而乏才
神通無威儀 慈悲心虛偽 高勝而無力
威儀而無法 輯舍離亦然 素榮而今悴
猶如秋田苗 失水悉枯萎 或斷火滅烟
或對食忘餐 悉廢公私業 不修諸俗緣
念佛感恩深 默默各不言 時師子離車

強忍其憂悲 垂泣發哀聲 以表眷戀心
破壞諸邪徑 顯示於正法 已降諸外道
遂往不復還 世絕離世道 無常爲大病
世尊入大寂 無依無有救 方便最勝尊
潛光究竟處 我等失強志 如火絕其薪
世尊捨世蔭 羣生甚可悲 如人失神力
舉世共哀之 逃暑投涼池 遭寒以憑火
一旦悉廓然 羣生何所寄 通達殊勝法
爲世陶鑄師 世間失宰主 人喪道則亡
老病死自在 道喪非道通 能壞大苦機

世間何有雙 猛熱極燄盛 大雲雨令銷
貪欲火熾然 其誰能令滅 堅固能警者
已捨世間住 復何智慧力 能爲不請友
如彼臨刑囚 爲死而醉酒 衆生迷惑識
惟爲死受生 利鋸以解材 無常解世間
癡闇爲深水 欲愛爲巨浪 煩惱爲浮沫
邪見摩竭魚 惟有智慧船 能度斯大海
衆病爲樹華 衰老爲纖條 死爲樹深根
有業爲其芽 智慧剏利刀 能斷三有樹
無明爲鑽燧 貪欲爲熾燄 五欲境界薪

滅之以智水 具足殊勝法 已壞於癡冥
見安隱正路 究竟諸煩惱 慈悲化衆生
怨親無異想 一切智通達 而今悉棄捨
輭美清淨音 方身纖長臂 大仙而有邊
何人得無窮 當覺時遷速 應勤求正法
如險道遇水 時飲速進路 非常甚暴逆
普壞無貴賤 正觀存于心 雖眠亦常覺
時離車師子 常念佛智慧 畏離於生死
歎慕人師子 不存世恩愛 深崇離欲德
折伏輕躁意 棲心寂靜處 勤修行惠施

遠離於憍慢 樂獨修閑居 思惟真實法
爾時一切智 圓身師子顧 賦彼鞠舍離
而說長辭偈 是吾之最後 遊此鞠舍離
住力士生地 當入於涅槃 漸次第行遊
至彼蒲伽城 安住堅固林 教誡諸比丘
吾今已昇天 當入於涅槃 汝等當依法
是則尊勝處 不入修多羅 亦不順律儀
真實義相違 則不應攝受 非法亦非律
又非我所說 是則爲闍說 汝等應速捨
執受於明說 是則非顛倒 是則我所說

如法如律教 如我法律受 是則爲可信
言我法律非 是則不可信 不解細微義
謬隨於文字 是則爲愚夫 非法而妄說
不別其真僞 無見而闇受 猶鑰金共肆
誑惑於世間 愚夫習淺智 不解真實義
受於相似法 而作真法受 是故當審諦
觀察真法律 猶如鍊金師 燒打而取真
不知諸經論 是則非智慧 不應說所應
應作不應見 當作平等受 句義如說行
執劖無方便 則反傷其手 辭句不巧便

其義難了知 如夜行求室 宅曠莫知處
失義則忘法 忘法心馳亂 是故智慧士
不違真實義 說斯教誠已 至於波婆城
彼諸力士衆 設種種供養 時有長者子
其名曰純陀 請佛到其舍 供設最後飯
飯食說法畢 行詣鳩夷城 度於菜蕨河
及熙連二河 彼有堅固林 安隱閑靜處
入金河洗浴 身若真金山 告勑阿難陀
於彼雙樹間 掃灑令清淨 安置於繩牀
吾今中夜時 當入於涅槃 阿難聞佛教

氣塞而心悲 行泣而奉教 布置訖還白
如來就繩牀 北首右脅臥 桀手累雙足
猶如師子王 畢苦後邊身 一臥永不起
弟子衆圍繞 哀歎世眼滅 風止林流靜
鳥獸寂無聲 樹木汁淚流 華葉非時零
未離欲人天 皆悉大惶怖 如人遊曠澤
道險未至村 但恐行不至 心懼行忽忽
如來畢竟臥 而告阿難陀 往告諸力士
我涅槃時至 彼若不見我 永恨生大苦
阿難受佛教 悲泣而隨路 告彼諸力士
世尊已畢竟 諸力士聞之 極生大恐怖
士女奔馳出 號泣至佛所 弊衣而散髮
蒙塵身流汗 號慟請彼林 猶如天福盡
垂淚禮佛足 憂悲身萎熟 如來安慰說
汝等勿憂悴 今應隨喜時 不宣生憂惑
長劫之所規 我今始獲得 已度根境界
無盡清淨處 離地水火風 寂靜不生滅
永除於憂患 云何爲我憂 我昔伽闍山
欲捨於此身 以本因緣故 存世至于今
守斯危脆身 如毒蛇同居 今入于大寂

衆苦緣已畢 不復更受身 未來苦長息
汝等不復應 爲我生恐怖 力士聞佛說
入於大寂靜 心亂而目冥 如覩大黑闇
合掌白佛言 佛離生死苦 永之寂滅樂
我等實欣慶 猶如被燒舍 親從盛火出
諸天猶歡喜 何況于世人 如來旣滅後
羣生無所覩 永違於救護 是故生憂悲
譬如商人衆 遠涉於曠野 惟有一尊師
忽然中道亾 大衆無所怙 云何不憂悲
現世自證知 觀一切知見 而不獲勝利

舉世所應笑 譬如經寶山 愚癡守貧苦
如是諸力士 向佛而悲訴 猶如人一子
悲訴於慈父 佛以善誘辭 顯示第一義
告諸力士衆 誠如汝所言 求道須精勤
非但見我得 如我所說行 得離衆苦網
依方服良藥 衆病自然除 不待見醫師
不如我說行 空見我無益 雖與我相遠
行法爲近我 同止不隨法 當知去我遠
攝心莫放逸 精勤修正業 人生於世間

長夜衆苦迫 擾動不自安 猶若風中燈
時諸力士衆 聞佛慈悲教 內感而欷淚
強自抑止歸

大般涅槃品第二十六

爾時有梵志 名須跋陀羅 賢德悉備足
淨戒護衆生 少稟於邪見 隨外道出家
欲來見世尊 告語阿難陀 我聞如來道
厥義深難測 世間無上覺 第一調御師
今欲般涅槃 難復可再遇 難見見者難
猶如鏡中月 我今欲奉見 無上善導師
爲求絕衆苦 度生死彼岸 佛日欲潛光
願令我暫見 阿難情悲感 兼謂爲譏論
或欣世尊滅 不宜令佛見 佛知彼希望
堪爲正法器 而告阿難言 聽彼外道前
我爲度人生 汝勿作留難 須跋陀羅聞
心生大歡喜 樂法情轉深 加敬至佛前
應時隨順言 輒語而問訊 和顏合掌請
今欲有所問 世有知法者 如我比甚多
惟聞佛所得 解脫異要道 願爲我畧說
沾潤虛渴懷 不爲論議故 亦無勝負心

佛爲彼梵志 略說八正道 聞卽虛心受

猶迷得正路 覺知先所學 非爲究竟道

卽得未曾得 捨離於邪徑 兼背癡闇障

思惟先所習 瞳恚癡冥俱 長養不善樂

愛恚癡等行 能起諸善業 多聞慧精進

亦由有愛生 患癡若斷者 則離於諸業

諸業旣已除 是名業解脫 諸業解脫者

不與義相應 世間說一切 悉皆有自性

有愛瞋恚癡 而有自性者 此則應常存

云何而解脫 正使恚癡滅 有愛還復生

如水自性冷 緣火故成熟 熱息歸於冷

以自性常故 常知有愛性 聞慧進不增

不增亦不減 云何是解脫 先謂彼生死

本從性中生 今觀於彼義 無得解脫者

性者則常住 云何有究竟 譬如然明燈

何能令無光 佛道真實義 緣愛生世間

愛滅則寂滅 因滅故果亾 本謂我異身

不見無作者 今聞佛正教 世間無有我

諸法因緣生 無有自在故 因緣生故苦

因緣滅亦然 觀世因緣生 則滅於斷見

緣離世間滅 則離於常見 悉捨本所見
深見佛正法 宿命種善因 聞法能卽悟
已得善寂滅 清淨無盡處 心開信增廣
仰瞻如來臥 不忍觀如來 捨世般涅槃
及佛未究竟 我當先滅度 合掌辭聖顏
一面正基坐 捨壽入涅槃 如雨滅小火
佛告諸比丘 我最後弟子 而今已涅槃
汝等當供養 佛以初夜過 月明衆星朗
閑林靜無聲 而興大悲心 遺誠諸弟子
吾般涅槃後 汝等當恭敬 波羅提木叉

即是汝大師 巨夜之明燈 貧人之大寶
常所教誡者 汝等當隨順 如事我無異
當淨身口行 離諸治生業 田宅畜衆生
積財集五穀 一切當遠離 如避大火坑
墾土截草木 醫療治諸病 仰觀於曆數
推步吉凶象 占相於利害 此悉不應爲
節身隨時食 不受使行術 不和合湯藥
遠離諸諂曲 順法資生具 應當知量受
受則不積聚 是則畧說戒 爲衆戒之本
亦爲解脫本 依此法能生 一切諸正受

一切真實智 緣斯得究竟 是故當執持
勿令其斷壞 淨戒不斷故 則有諸善法
無則無諸善 以戒建立故 已住清淨戒
善攝諸情根 猶如善牧牛 不令其縱暴
不攝諸根馬 縱逸於六境 現世致殃禍
將墜於惡道 譬如不調馬 令人墮坑陷
是故明智者 不應縱諸根 諸根甚凶惡
爲人之重怨 衆生愛諸根 還爲彼傷害
深怨盛毒蛇 暴虎及猛火 世間之甚惡
慧者所不畏 惟畏輕躁心 將人入惡道

以彼樂小辯 不觀深驗故 狂象失利鉤
援猿得樹林 輕躁心如是 慧者當執持
放心令自在 終不得寂滅 是故當制心
遠之安靜處 飯食知節量 當如服藥法
勿因於飯食 而生貪恚心 飲食止饑渴
如膏朽敗車 譬如蜂採華 不壞其色香
比丘行乞食 勿傷彼信心 若人開心施
當推彼所堪 次第修正業 重載令其傷
朝中晡三時 初後二夜分
亦莫著睡眠 中夜端心臥 係念在明相

勿終夜睡眠 令身命空過 時火常燒身
云何長睡眠 煩惱衆怨家 乘虛而隨害
心惛於睡眠 死至孰能覺 毒蛇藏於宅
善呪能令出 黑蛇居其心 明覺善呪除
無術而長眠 是則無慚人 懈愧爲嚴服
慚爲制象鈞 懈愧令心定 無慚喪善根
慚愧世稱賢 無慚禽獸倫 若人以利刀
節節解其身 不應懷恚恨 口不加惡言
惡念而惡言 自傷不害彼 節身修苦行
無過恐辱勝 惟有行恐辱 難伏堅固力
是故勿懷恨 惡言以加人 瞞恚壞正法
亦壞端正色 喪失美名稱 瞞火自燒心
瞋爲功德怨 愛德勿懷恨 在家興瞋恚
多惱故非怪 出家而懷瞋 是則與理乖
猶如冷水中 而有盛火然 嬌慢心若生
當自手摩頭 何爲生嬌慢 俗人依色族
邊生裁自活 剃髮服染衣 手持乞食器
嬌慢亦爲過 何況出家人 志求解脫道
而生嬌慢心 此則大不可 曲直性相違
不俱猶霜燄 出家修直道 譜曲非所應

詣僞幻虛詐 惟法不欺誑 多求則爲苦
少欲則安樂 爲安應少欲 況求真解脫
慳惜畏多求 恐損其財寶 好施者亦畏
愧則不供足 是故當少欲 施彼無畏心
由此少欲心 則得解脫道 若欲求解脫
亦應習知足 知足心常歡 歡喜即是法
資生俱鄙陋 知足故常安 不知足之人
雖得生天樂 以不知足故 苦火常燒心
富而不知足 是亦爲貧苦 雖貧而知足
是則第一富 其不知足者 五欲境彌廣

猶更求無厭 長夜馳騁苦 汲汲懷憂慮
反爲知足哀 不多受眷屬 其心常安隱
安隱寂靜故 人天悉奉事 是故當捨離
親疎二眷屬 如曠澤孤樹 衆鳥後猴棲
多畜衆亦然 長夜受衆苦 多衆多纏累
如老象溺泥 若人勤精進 無利而不獲
是故當晝夜 精勤不懈怠 山谷微流水
常流故決石 鑽火不精勤 徒勞而不獲
是故常精進 如壯夫鑽火 善友雖爲良
不及於正念 正念存於心 衆惡悉不入

是故修行者 常當念其身 於身若失念
一切善則忘 譬如勇猛將 被甲禦強敵
正念爲重鎧 能制六境賊 正定檢覺心
觀世間生滅 是故修行者 當習三摩提
三昧已寂靜 能滅一切苦 智慧能照明
遠離於攝受 等觀內思惟 隨順趣正法
在家及出家 斯應由此路 生老死大海
智慧爲輕舟 無明大闇冥 智慧爲明燈
諸纏結垢病 智慧爲良藥 煩惱棘刺林
智慧爲利斧 痴愛駛水流 智慧爲橋梁
是故當勤習 聞思修生慧 成就三種慧
雖盲慧眼通 無慧心虛僞 是則非出家
是故當覺知 離諸虛僞法 逮得微妙樂
寂靜安隱處 遵崇不放逸 放逸爲善怨
若人不放逸 得生帝釋處 縱心放逸者
則墮阿修羅 安慰慈悲業 所應我已畢
汝等當精進 善自修其業 山林空閑處
增長寂靜心 當自勤勗勉 勿令後悔
猶如世良醫 應病說方藥 抱病而不服
是非良醫過 我已說真實 顯是平等路

聞而不奉用 此非說者咎 於四真諦義
有所不了者 汝今悉應問 勿復隱所懷
世尊哀愍教 衆會默然住 時阿那律陀
觀察諸大衆 默然無所疑 合掌而白佛
月溫日光冷 風靜地性動 如是四種惑
世間悉已無 苦集滅道諦 真實未曾違
如世尊所說 衆會悉無疑 惟世尊涅槃
一切悉悲感 不於世尊說 起不究竟想
正使新出家 情未深解者 聞今愍愍教
疑惑悉已除 已度生死海 無欲無所求

今皆生悲戀 歎佛滅何速 佛以阿那律
種種憂悲說 復以慈愍心 安慰而告言
正使經劫住 終歸當別離 異體而和合
理自不常俱 自他利已畢 空住何所爲
天人應度者 悉已得解脫 汝等諸弟子
展轉維正法 知有必磨滅 勿復生憂悲
當自勤方便 到不別離家 我已然智燈
照除世間冥 知世不牢固 汝等當隨喜
如親遭重病 療治脫苦患 已捨於苦器
逆生死海流 永離衆苦患 是亦應隨喜

汝等善自護 勿生於放逸 有者悉歸滅
我今入涅槃 言語從是斷 此則最後教
入初禪三昧 次第九正受 逆次第正受
還入於初禪 復從初禪起 入於第四禪
出定心無寄 便入於涅槃 以佛涅槃故
大地普震動 空中普雨火 無薪而自燄
又復從地起 八方俱熾然 乃至諸天宮
熾然亦如是 雷電動天地 霹靂震山川
猶天阿修羅 擊鼓戰鬪聲 狂風四激起
山崩雨灰塵 日月無光暉 清流悉沸涌

堅固林萎悴 華葉非時零 飛龍乘黑雲
垂五首淚流 四王及眷屬 含悲興供養
淨居天來下 虛空中列侍 觀察無常變
不憂亦不喜 歎世違天師 泯滅一何速
八部諸天神 徧滿虛空中 散華以供養
感感心不歡 惟有魔王喜 奏樂以自娛
闍浮提失榮 猶山頽嶺崩 大象素牙折
牛王雙角摧 虛空無日月 蓮華遭嚴霜
如來般涅槃 世間悴亦然

歡涅槃品第二十七

時有一天子乘千白鵠宮於上虛空中
觀佛般涅槃普爲諸天衆廣說無常偈
一切性無常速生亦速滅生則與苦俱
惟寂滅爲樂行業薪積聚智慧火熾然
名稱烟衝天時雨雨令滅猶如劫火起
水災之所滅復有梵仙天猶第一義仙
處天勝妙樂而不染天報歎如來寂滅
心定而口言觀察三世法始終無不壞
第一義通達世間無比士慧知見之上
救護世間者悉爲無常壞何人得長存

哀哉舉世間羣生墮邪徑時阿那律陀
於世不律陀已滅不律陀生死尼律陀
歎如來寂滅羣生悉盲冥諸行聚無常
猶如輕雲浮速起而速滅慧者不保持
無常金剛杵壞牟尼仙山鄙哉世輕躁
破壞不堅固無常暴師子害龍象大仙
如來金剛幢猶爲無常壞何況未離欲
而不生怖畏六種子一芽一水之所雨
四引之深根二瓶五種果三際同一體
煩惱之大樹牟尼大象拔而不免無常

猶如飾棄鳥 樂水吞毒蛇 忽遇天大旱
失水而亾身 駿馬勇於戰 戰畢純熟還
猛火緣薪熾 薪盡則自滅 如來亦如是
事畢歸涅槃 猶如明月光 普爲世除冥
衆生悉蒙照 而復隱須彌 如來亦如是
慧光照幽冥 爲衆生除冥 而隱涅槃山
名稱勝光明 普照於世間 滅除一切冥
不停若迅流 善御七駿馬 軍衆羽從遊
光光日天子 猶入於崦嵫 日月五障翳
衆生失光明 奉天祠天畢 惟有燋黑烟

如來已潛暉 世失榮亦然 絶恩愛希望
普應衆生望 衆生望已滿 事畢絕希望
離煩惱身縛 而得真實道 離羣聚憤亂
入於寂靜處 神通騰虛遊 苦器故棄捨
癡冥之重闇 智慧光照除 煩惱之埃塵
智水洗令淨 不復數數還 永之寂靜處
滅一切生死 一切悉崇敬 令一切樂法
以慧充一切 悉安慰一切 一切德普流
名聞遍一切 重照迄于今 諸有競德者
於彼哀愍心 四利爲不欣 四衰不以感

善攝於諸情 諸根悉明徹 澄心平等觀
六境不染著 所得未曾得 得人所不得
以諸出要水 虛渴令飽滿 施人所不施
亦不望其報 寂靜妙相身 悉知一切念
好惡不傾動 力勝一切怨 一切病良藥
而爲無常壞 一切衆生類 樂法各異端
普應其所求 悉滿其所願 聖慧大施主
一往不復還 猶若世猛火 薪盡不復然
八法所不染 降五難調羣 以三而見三
離三而成三 藏一而得一 超七而長眠

究竟寂滅道 賢聖之所宗 已斷煩惱障
宗奉者已度 餓虛渴乏者 飲之以甘露
被恐辱重鎧 降伏諸恚怒 勝法微妙義
以悅於衆心 修世界善者 植以聖種子
習正不正者 等攝而不捨 轉無上法輪
普世歡喜受 宿植樂法因 斯皆得解脫
遊行於人間 度諸未度者 未見真實者
悉令見真實 諸習外道者 授之以深法
說生死無常 無主無有樂 建大名稱幢
破壞衆魔軍 進却無欣感 薄生歡寂滅

未度者令度

未脫者令脫

未寂者令寂

未覺者令覺

牟尼寂靜道

以攝於衆生

衆生違聖道

習諸不正業

猶若大劫盡

持法者長眠

密雲震霹靂

摧林雨甘露

少象摧棘林

識養能利人

雲離象老悴

斯皆無所堪

破見能成見

於度世而度

已壞諸邪論

而得自在道

今入於大寂

世間無收護

魔王大軍衆

奮武震天地

欲害牟尼尊

不能令傾動

如何忽一朝

非常魔所壞

天人普雲集

充滿虛空中

畏無窮生死

心生大憂怖

世間無遠近

天眼悉照見

業報諦明了

如觀鏡中像

天耳勝聰達

無遠而不聞

騰虛教諸天

遊步化人境

分身而合體

涉水而不輒

憶念過去生

彌劫而不忘

諸根遊境界

彼彼各異念

知他心通智

一切皆悉知

神通淨妙智

平等觀一切

悉盡一切漏

一切事已畢

智捨有餘界

息智而長眠

衆生剛強心

見則得柔軟

鈍根諸衆生

見則慧明利

無量惡業過

見各得通塗

一旦忽長眠 誰復顯斯德 世間無收護
望斷氣息絕 誰以清涼水 濑之令蘇息
所作自事畢 大悲已長息 世間愚癡網
誰當爲裂壞 向生死迅流 誰當說令返
羣生癡惑心 誰說寂靜道 誰示安隱處
誰顯真實義 衆生受大苦 誰爲慈父救
猶多誦悉忘 馬易土失威 王者亾失國
世無佛亦然 多聞無辭辯 爲醫而無慧
人王失光相 佛滅俗失榮 良駒失善御
乘舟失船師 三軍失英將 商人失共導
疾病失良醫 聖王失七寶 衆星失明月
愛壽而失命 世間亦如是 佛滅失大師
如是阿羅漢 所作皆已畢 諸漏悉已盡
知恩報恩故 纏綿悲戀說 歎德陳世苦
諸未離欲者 悲泣不自勝 其諸漏盡者
惟歎生滅苦 時諸力士衆 聞佛已涅槃
亂聲慟悲泣 如羣鵠遇鷹 懈來詣雙樹
覩如來長眠 無復覺悟容 挺胸而呼天
猶師子搏犢 羣牛亂呼聲 中有一力士
心已樂正法 諦觀聖法王 已入於大寂

言衆生悉眠 佛開法令覺 今入於大寂
畢竟而長眠 爲衆建法幢 而今一旦崩
如來智慧日 大覺爲照明 精進爲炎熱
智慧曜千光 滅除一切闇 如何復長冥
一慧照三世 普爲衆生眼 而今忽然盲
舉世莫知路 生死大河流 貪恚癡巨浪
法橋一旦崩 衆生長沒溺 彼諸力士衆
或悲泣號咷 或密感無聲 或投身辟地
或寂默禪思 或煩惱長吟 辨金銀寶輿
香華具莊嚴 安置如來身 寶帳覆其上
具幢旛華蓋 種種諸妓樂 諸力士男女
導從隨供養 諸天散香華 空中鼓天樂
人天一悲歎 聲合而同哀 入城見士女
長幼供養畢 出於龍象門 度熙連河表
到諸過去佛 減度支提所 積牛頭栴檀
及諸名香木 置佛身於上 灌以衆香油
以火燒其下 三燒而不然 時彼大迦葉
先住王舍城 知佛欲涅槃 卷屬從彼來
淨心發妙願 願見世尊身 以彼誠願故
火滅而不然 迦葉眷屬至 悲歎俱瞻顏

敬禮於雙足

然後火乃燃

內絕煩惱火

外火不能燒

雖燒外皮肉

金剛真骨存

香油悉燒盡

盛骨以金餅

如法界不盡

骨不盡亦然

金剛智慧果

難動如須彌

大力金翅鳥

所不能傾移

而處於寶餅

應世而流遷

奇哉世間力

能轉寂滅法

德稱廣流布

周流於十方

隨世長寂滅

惟有餘骨存

大光曜天下

羣生悉蒙照

一旦而潛蟬

遺骨於餅中

金剛利智慧

壞煩惱苦山

衆苦集其身

金剛志能安

受大苦衆生

悉令得除滅

如是金剛體

今爲火所焚

彼諸力士衆

勇健世無雙

摧伏怨家苦

能救苦歸依

親愛遭苦難

志強能無憂

今見如來滅

悉懷憂悲心

壯士氣強盛

矯慢虛天步

憂苦迫其身

入城猶曠澤

持舍利入城

巷路普供養

置於高樓閣

人天悉奉事

分舍利品第二十八

彼諸力士衆

奉事於舍利

以妙勝香華

興無上供養

時七國諸王

承佛已滅度

遣使詣力士 請求佛舍利 彼諸力士衆
敬重如來身 兼恃其勇健 而起憍慢心
寧捨自身命 不捨佛舍利 彼使悉空還
七王大忿恨 與軍如雲雨 來詣鳩夷城
人民出城者 皆悉驚怖還 告諸力士衆
諸國軍馬來 象馬車步衆 圍繞鳩夷城
城外諸園林 泉池華果樹 軍衆悉踐踏
榮觀悉摧碎 力士登城觀 生業悉破壞
嚴備戰鬪具 以擬於外敵 弓弩礮石車
飛炬悉發來 七王圍繞城 軍衆各精銳
羽儀盛明顯 猶如七曜光 鐘鼓若雷霆
勇氣盛雲霧 力士大奮怒 開門而命敵
長宿諸士女 心信佛法者 驚怖發誠願
伏彼而不害 隨親相勸諫 不欲令鬪戰
勇士被重甲 揮戈舞長劒 鐘鼓而亂鳴
執仗鋒未交 有一婆羅門 名曰獨樓那
多聞智畧勝 謙虛衆所宗 慈心樂正法
告彼諸王言 觀彼城形勢 一人亦足當
況復齊心力 而不能伏彼 正使相摧滅
復有何德稱 利鋒刃旣交 勢無有兩全

因此而害彼 二俱有所傷 戰鬪多機變
形勢難測量 或有強勝弱 或弱而勝強
健夫輕毒蛇 豈不傷其身 有人性柔弱
羣女子所獎 臨陣成戰士 如火得膏油
鬪莫輕弱敵 謂彼無所堪 身力不足恃
不如法力強 古昔有勝王 名迦蘭陀摩
端坐起慈心 能伏其怨敵 雖王四天下
名稱財利豐 終歸亦皆盡 如牛飲飽歸
應以法以義 應以和方便 戰勝增其怨
和勝後無患 今結飲血讐 此事甚不可

爲欲供養佛 應隨佛忍辱 如是婆羅門
決定吐誠實 方宜義和理 而作無畏說
爾時彼諸王 告婆羅門言 汝今善應時
黠慧義饒益 親密至誠言 順法依強理
且聽我所說 爲王者之法 或因五欲事
嫌恨競強力 或因其嬉戲 不急致鬭諍
吾等今爲法 戰諍有何怪 懈慢而違義
世人尚伏從 況佛離懈慢 化人令謙下
我等而不能 亾身而供養 昔諸大地主
弼瑟璪難陀 爲一端正女 戰諍相摧殘

況今爲供養 寂靜離欲師 愛身而惜命
不以力爭求 先王驕羅婆 與般那婆戰
展轉更相破 正爲貪利故 況爲無貪師
而復貪其生 羅摩仙人子 瞰恨千臂王
破國殺人民 正爲瞋恚故 況爲無恚師
而惜於身命 羅摩爲私陀 殺害諸鬼神
況天攝受師 不爲其沒命 阿黎及婆俱
二鬼常結怨 正爲愚癡故 廣害於衆生
況爲智慧師 而復惜命身 如是比衆多
無義而自喪 況今天人師 普世所恭敬

計身而惜命 不勤求供養 汝若欲止諍
爲吾等入城 勸彼令開解 使我願得滿
以汝法言故 令我心小息 猶如盛恚蛇
呪方故暫止 爾時婆羅門 受彼諸王教
入城詣力士 問訊以告誠 外諸人中王
手執利器仗 身被於重甲 精銳曜日光
奮師子勇氣 咸欲滅此城 然其爲法故
猶畏非法行 是故遣我來 旨欲有所白
我不爲土地 亦不求錢財 不以憍慢故
亦無懷恨心 恭敬大仙故 而來至於此

汝等知我心 何爲苦相違 尊奉彼我同
則爲法兄弟 世尊之遺靈 一心共供養
慳惜於錢財 此則大非道 法慳過最甚
普世之所薄 決定不通者 當修待賔法
無有利利法 閉門而自防 彼等悉如是
告此吉凶法 我今私所懷 亦告其誠實
莫彼此相違 理應共和合 世尊在於世
常以怨辱力 不順於聖教 云何名供養
世人以五欲 財利田宅諍 若爲正法者
應隨順聖理 爲法而結怨 此則理相違

佛寂靜慈悲 常欲安一切 供養於大悲
而興於大害 應等分舍利 普令得供養
順法名稱流 義通理則宣 若彼非法行
當以法和之 是則爲樂法 令法得久住
佛說一切施 法施爲最勝 人斯行財施
行法施者難 力士聞此說 內愧互相視
報彼梵志言 深感汝來意 親善順法言
和理雅正說 梵志之所應 隨順自功德
善和彼此諍 示我以要道 如制迷途馬
還復於正路 今當用和理 從汝之所說

誠言而不顧 後必生悔恨 卽開佛舍利
等分爲八分 自供養一分 七分付梵志
七王得舍利 歡喜而頑受 持歸還自國
起塔加供養 梵志求力士 得分舍利餅
又從彼七王 求分第八分 持歸起支提
號名金餅塔 俱夷那竭人 聚集餘灰炭
而起一支提 名曰灰炭塔 八王起八塔
金餅及灰炭 如是闍浮提 始起於十塔
舉國諸士女 悉持寶華蓋 隨塔而供養
莊嚴若金山 種種諸妓樂 畫夜長讚歎

時五百羅漢 永失大師蔭 惟然無所恃
還耆闍崛山 集彼帝釋巖 結集諸經藏
一切皆共推 長老阿難陀 如來前後說
巨細汝悉聞 韶提醯牟尼 當爲大衆說
阿難大衆中 昇於師子座 如佛說所說
稱如是我聞 合座悉流涕 感此我聞聲
如法如其時 如處如其人 隨說而筆受
究竟成經藏 勤方便修學 悉已得涅槃
今得及當得 涅槃亦復然 無憂王出世
強者能令憂 劣者爲除憂 如無憂華樹

王於闍浮提 心常無以憂 深信於正法
故號無憂王 孔雀之苗裔 禁正性而生
普濟於天下 兼起諸塔廟 本字強無憂
今名法無憂 開彼七王塔 以取於舍利
分布一日起 八萬四千塔 惟有第八塔
在於羅摩村 神龍所守護 王取不能得
雖不得舍利 知佛有遺靈 神龍所供養
增其信敬心 雖王領國土 誓得初聖果
能令普天下 供養如來塔 去來今現在
悉皆得解脫 如來現在世 涼槃及舍利
恭敬供養者 其福等無異 明慧增上心
深察如來德 懷道興供養 其福亦復勝
佛得尊勝法 應受一切供 已到不死處
信者亦隨安 是故諸天人 悉應當供養
第一大慈悲 通達第一義 度一切衆生
孰聞而不感 生老病死苦 世間苦無過
死苦苦之大 諸天之所畏 永離二種苦
云何不供養 不受後有樂 世間樂無上
增生苦之大 世間苦無比 佛得離生苦
不受後有樂 爲世廣顯示 如何不供養

讚諸牟尼尊 始終之所行 不自顯知見
亦不求名稱 隨順佛經說 以濟諸世間

佛所行讚經卷第五

前天文題

宋



紹興府山陰縣信官張汝懋男婿董氏法名大
道孫男張震張陞張維佳玄孫張錦施資刻
佛所行讚經第五卷
崇禎十二年六月徑山寂照菴識

讚諸牟尼尊 始終之所行 不自顯知見
亦不求名稱 隨順佛經說 以濟諸世間

前天文題

宋

